



重刊保幼大全序



夫層臺數仞至高峻矣乃盤基自  
方寸始焉合抱千霄山巍然棟宇村  
也而塲趾植之起於萌蘗子矧人生  
死壽夭可不自強提時慎乎故曰若  
保赤子又曰此若物之始生也不可  
不養也聖人之慮遠哉衛生扶微



世之仁人君子為保身集也其言自  
醫工至痼病凡二十卷完赤子之  
天和而與之以生金者至纖悉矣願  
其書流布未廣且舛訛至不可讀  
庸醫誤信而妄殺之是毀其基以斧  
斤其萌孽也三衢賓梧徐侯余  
同年友也初以進士高等奉

天子命來令寧國河是書而琢之未  
幾擢繁丹徒丹徒當江南孔道土  
瘠民疲不膏不膏而望盧扁也  
侯既照然撫之君子而民之疾痛  
苦惡亦莫不以侯我父母也悉吐以告  
侯因嘆曰嗟環邑之民皆吾子也  
願吾所及親者起吾庭以求直耳



其林、摠於下者、又安所得夫古今  
之術、俾皆無疾苦乎、則出是書、擇  
醫之良者、訂訛考誤、捐貲命梓、屬  
余為之序、余諾之、而未果、不數月、侯  
以

奏最

詔為天官、稽勛主事、又數月、書刻成、

侯善馳書、命其門人吳生、以望未續  
前請、余乃僭為之說、曰、人之情、無  
論貴賤貧富、有不愛其子者乎、人之  
愛其子、疾痛疢癢、有石釋、良醫  
備藥餌、以生金之者乎、乃長民者  
身父母、而視秦越、嗜慾、弗通、而危  
弗計、甚或毒痛、而夫札之、是毀其

基与斧斤其萌孽者不獨庸醫然  
也侯之梓是書也既身其責而復以  
臣之人合且佐

冢宰秉銓衡俾天下之為長民者  
皆侯若其能讀是書而有慨于中  
也必矣斯世斯民厚幸哉是則侯命  
梓意也亦屬余序意也不則摠病製  
方按方瘡病是書種備久又亥侯  
乎余言

賜進士第奉政大夫同鎮江府事  
東陽杜其驕書



小兒衛生總微論方目錄

卷第一

醫工論 稟受論 初生論 回氣論

洗浴論 斷臍論對臍相視論 初生服

藥論 中寒論 臍風撮口論

胎病論 便舌 氣閉 驚口 重喉 胎赤眼

胎驚 胎怯 胎不治病

卷第二

五氣論 髮不生 語遲 不能行 眉不生 乳母論

慎護論 食忌論 大小論 色紋論諸色

五臟生病論諸形証 諸死絕

卷第三

變蒸論

脉理論

諸身熱論

卷第四

驚癇論上

欲發搐 發搐陰陽

天吊附陽搐 脾風附陰搐

已發搐 發搐真偽

發搐順逆 發搐雜論

卷第五

驚癇方下

卷第六

驚癇別論

咬牙 驚癇兼別

發癲

發癇餘

中風論

心脾中風 中風拘攣不隨

風淫

中風角弓反張 中風口眼喎斜

中風口紫 中風口噤

卷第七

傷寒論

卷第八

瘡疹論

卷第九

吐瀉論上

吐吮現 傷食吐瀉

瀉吐瀉 冷熱吐瀉

傷風吐瀉 霍亂吐瀉

卷第十

吐瀉方下

吐瀉後証

卷第十一

八痢論

脫肛論

卷第十二

五疳論

諸疳五動

諸疳雜証

卷第十三



蟲動論 食氣積癖論

卷第十四

心腹痛論 盤腸 脹病論 腫病論

虛羸論 咳嗽論 停飲 痰涎

卷第十五

黃疸論 客忤論 三疰 虫毒 夜啼論

諸汗論 不語論 渴論 諸血溢論

卷第十六

寒熱論 瘧論 弄舌論 魃病論

骨蒸論 腹皮青黑論 難乳論

大小便論 五淋論 遺尿論

卷第十七

癩疔論 陰腫生瘡論 腋氣論

顛門腫凸論 滯頤論 腸癰論 針刺論

梗喉論 疣子論 蟲咬論 藥毒論

墮墜論

卷第十八

頭病論 頭瘡 軟癩 耳病論 耳聾 耳痛 耳鳴 耳瘡腫

眼目病論 目別論 鼻病論 鼻寒 鼻乾 鼻瘡腫

面瘡論 唇口病論 牙齒病論 舌病論

卷第十九

咽喉論 項癭論 核癭論 龜背論



龜背論 手脚拳攣論 風疝癰疹論  
疥癬論 金瘡論 破傷風 湯火傷論 湯傷火燒

卷第二十

疖瘡論 癰疽論 惡瘡論 浸淫瘡論  
風濕瘡 爛漿瘡論 魚臍瘡 凍瘡論  
疔瘡論 漆瘡論 月蝕瘡論 水毒論  
蠅蝮瘡論 赤遊腫論 諸丹毒論  
鱗体論 疔靨論

小兒衛生總微論方目錄終

小兒衛生總微論方卷第二

醫工論

凡為醫之道必先正已然後正物正已者謂能明理以盡術也正物者謂能用藥以對病也如此然後則事必濟而功必著矣若不能正已則豈能正物不能正物則豈能愈疾今冠於篇首以勸學者  
凡為醫者性存溫雅志必謙恭動須禮節舉乃和柔無自妄尊不可矯飾廣收方論博通義理明運氣曉陰陽善診切精察視辨真偽分寒熱審標本識輕重疾小不可言大事易不可云難貧富用心皆一貴賤使藥無別苟能如此於道幾希反是者為生靈之巨



冠

凡為醫者遇有請召不擇高下遠近必赴如到其家  
須先問曾請未會請師即問曾進是何湯藥已未經  
下乃可得知虛實也如已曾經下即虛矣更可消息  
參詳則無誤矣又治小兒之法必明南北稟受之殊  
必察土地寒溫之異不可一同施治古人最為慎耳

### 稟受論

人稟父母精血化生故內經有曰陽施陰化謂之有  
子聖經言方其受授之初一月血凝二月胚胎三日  
陽神為魂四月陰靈為魄五月五行分五臟六月六  
律定六腑七月七精開竅八月八景俱全九月氣足

象成十月百神集備至日滿而生也

又云一月如珠露二月  
若桃花三月形象成四

月者女分五月府藏具六月筋骨全七月魂生而動左八月  
魄長而動右九月三轉身十月足而生此未知其所出

其始有謂之

妊者以其陽始而陰任之也有謂之胚者以其未成  
為器而猶坯也有謂之胞者以其已為正陽而陰已  
之也有謂之胎者以食於母而為口呂也有謂之娠  
者以其有時而動也有謂之懷者以其有身而依也  
夫此衆者皆陽始陰任在有形之先次由五行而後  
化成也故曰陰陽具而五行立矣且陰之所任者壬  
也一陽壬兆則人乃肇生命門主生氣之原精所藏  
焉壬陽水也合丁之陰火而生丙故有命門然後生  
心心主血神所藏焉丙之陽火合辛之陰金而生庚



故有心然後有肺肺主皮毛魄所藏焉庚陽金也合  
乙之陰木而生甲故有肺然後生肝肝主筋魂所藏  
焉甲為陽木合己之陰土而生戊故有肝然後生脾  
脾主肉意所藏焉戊為陽土合癸之陰水而生壬故  
有脾然後生腎腎主骨志所藏焉故腎與命門一也  
此陰陽五行夫婦生化自然之理也人之賦稟自受  
氣至胎化自成形至生養亦皆由焉

初生論

兒纔生出母腹中急當舉之便以綿絮包裹抱大人  
懷之溫暖雖暑月亦不可遽去綿絮須漸漸減去之  
蓋乍出母腹中不可令冒寒也又急以綿裹手指指

拭兒口眼中及周圍穢血皆令盡淨不可令入口眼  
也若舉遲失於包裹則令兒中寒若穢血得入口眼  
則令兒生病

其証候方論並在後

回氣論

兒纔生出母腹中哭聲遲者急以葱白細鞭其背呼  
父小名即啼又兒纔生下氣欲絕不能啼者必是難  
產或冒寒所致急以綿絮包裹其兒頓放大人懷中  
溫暖若已包裹須更添之令極溫暖且未得斷臍將  
胞衣置炭火上燒之仍搥大紙脚盛蘸油點著於臍  
帶上往來徧燎之以臍帶連臍得火氣由臍入腹故  
也更以熱醋湯搗洗臍帶須臾則氣回啼哭然後如



常洗浴斷臍此法甚良救者甚多

洗浴論

兒纔生下須先洗浴以蕩滌汙穢然後乃可斷臍也若先斷臍則浴水入臍而為臍瘡等病及浴水須入藥預先煎下以瓶貯頓臨時旋煖用之不犯生水即佳并已後浴之亦用藥煎湯揀所宜時日則大良矣凡浴宜用寅卯酉日若初生不值但於日中選此三時如時亦不值唯忌壬午丁巳癸巳日時大凶而與避之餘皆可也今具煎湯用藥下項

用猪膽汁湯浴兒則不患瘡癬皮膚滑澤用金銀虎骨丹砂煎湯則癖邪惡去驚

澤用虎骨亦用

用李

葉切半升煎湯則解肌熱去溫壯用白芷二兩苦參三兩挫碎煎湯則去諸風用朔翟葱白葫麻葉白芷葉本蛇床子煎湯退熱

用苦參黃連猪膽白芨杉葉栢葉楓葉煎湯去風

用大麻仁苓陵香丁香棗蕞葉本煎湯治諸瘡用金銀桃奴雄黃丹砂煎湯則辟邪除驚用益母草煎湯治疥癬諸瘡

凡煎湯每用水一斗入藥煎至七升去滓適寒溫用之冬不可太熱夏不可令冷須調停得宜乃可用之兒自生之後須依時洗浴以去垢污又不可數若



都不洗浴則皮皺毛落多生瘡疥凡洗浴時於背  
則微少用水餘處任意即不可極淋其背亦不可  
久坐水中則引驚作病切須慎之如常能依法用之  
令兒體滑舒暢血脉通流及長少病無不驗也

### 斷臍論

兒生下須當以時斷臍若不以時斷臍者則令臍汁  
不乾而生寒為臍風之由斷臍之法當隔單衣以牙  
咬斷之將煖氣呵七遍若用刀斷之須用剪刀先納  
懷中煖透然後方用不得便用冷刀多致傷臍生病  
宜切戒之其斷臍帶當令長至足趺或云當長六寸  
若太短則傷臍令兒腹中不調若太長則傷肌令兒

皮枯鱗起終斷臍訖須用烙臍餅子安臍帶上燒三  
壯炷如麥大若兒未啼灸至五七壯灸了上用封臍  
散封裹之法須揲治帛子令柔軟用方四寸許上置  
新綿厚半寸及上置藥末適緊慢以封之如不備其  
藥即用極細熟艾一塊置於上封之但不令封帛緊  
急則令兒吐現又須常切照顧勿令溫著及襁褓  
中亦不可令兒尿濕恐生瘡腫及引風也

### 烙臍餅子

豆豉

黃蠟

各一分

麝香

少許

右以豆豉為細末入麝研均鎔蠟和劑看大小  
捻作餅用



封麝散

雄鼠糞

七枚兩頭尖者是

乾薑

素大

麝帶

鷄子許三味同燒灰

綿灰

半兩別燒稱

緋綿灰

別燒稱半分

胡粉

三錢砂黃

麝香

少許

右同研極細末每用半錢至一錢傅臍上封之永不患臍瘡腫如已因風濕患瘡腫者看臍帶落與未落依此用藥便瘥

兒已封裹臍了一切如法得數日許忽然怒啼似衣中有刺者此乃臍燥還刺其腹故也當與解之易去故帛藥物更換裹之如無此證亦於十日許解視換時瀆避風冷若遇冬月左右置火於溫暖處換之至於尋常換衣用粉亦當如是若失於照

致傷臍患者具方于後

治小兒初生臍未落時腫痛水出

右取故緋絹燒灰研細末傅之

治小兒臍中汗出不止赤腫

右以白石脂為細末炒令微煖傅之日三四

治小兒臍瘡

右以甌帶燒灰研細末猪膏和傅或以菜白皮汁

傅乳上吮兒飲

又方以東壁上土傅之治歷年不差者伏龍肝亦得

又方以當歸為細末傅之久不差者用之神効

治赤腫或膿血清血出者



又方以馬齒莧葉燒灰研末傳之或以露蜂房燒末傳之

又方以乾蚶蚶火煨為灰研末傳之佳

又方以黃蘗為細末傳之治久不差者

治小兒臍赤腫

杏仁半兩

猪頰車骨中髓七錢半

右先研杏仁極爛和髓傳之一方研杏仁如脂和  
体中膏傳

治小兒因剪臍傷外風致臍瘡久不乾

白礬煨

白龍骨煨等分

右同研為細末傳之少用如無兩味但得一味

亦可

又方以綿燒灰研為細末傳之新舊皆可

治小兒臍瘡濕不瘥若至百日即危極胡粉散

胡粉一錢細研

乾薑燒灰一錢細研

白石脂燒有性秤一錢細研

右同為細末每用一字或半錢傳上

凡小兒患臍瘡未愈不可乳令大飽大飽則令臍風

相視壽夭論

兒生下洗浴斷臍之後當視其壽命長短成人不成

人

兒生身不收者死 兒生魚口者死

兒生股間無生肉者死 兒生汗血者死



兒生頤下破者死 兒生囊下白或赤者皆死

兒生陰不起者死 兒生身如凝血若無皮者死

兒生臍小者不壽 兒生聲絕而復揚急者不壽

兒初生目自開者不成人

兒初生頭四破者不成人

兒初生啼聲散者不成人

兒初生身軟如無骨不成人

兒初生啼聲深者不成人

兒初生頭毛不周全不成人

兒初生汗出不流不成人

兒初生小便凝如脂膏者不成人

兒初生常搖手足者不成人

兒初生枕骨不成能言而死

兒生膝骨不成能行而死 一子屍骨

兒生掌骨不成扶立而死

兒生踵骨不成能行而死

兒生臑骨不成能立而死

兒初生陰大而與身色同者成人

兒初生臍中無血者成人

兒初生啼聲相連延屬者壽

兒初生卵下縫通達而黑者壽

兒初生身體鮮白而長大者壽



兒初生額上有旋毛者好長成

兒初生日視不正數動或哭而豺聲者非佳人  
兒初生髮稀少者不聽人教

### 初生服藥論

兒初生出母腹揩拭口眼淨洗浴了斷臍畢糊包訖  
且未得與乳當用好甘草一中指節許擘碎以水三  
蜆殼煎二蜆殼以綿纏指蘸與兒吮之若吐出惡汁  
為佳若服二蜆殼不吐即無穢物不須更服也此法  
不問兒虛實壯怯皆須服之次看形色若面色紅潤  
啼聲響快者用擘破黃連以湯浸取濃汁調硃砂末  
抹兒口中打盡腹中舊糞方可與乳又法以永粉半

錢旋、吮兒良久臍糞乃下為佳故聖濟經云凡兒

初生惡血未納者拭以綿指吞而在胃鬲者吐以甘

草入而在腹內者利以黃連汞粉皆所以革污穢也

次用好硃砂一大豆許細研水飛煉蜜一蜆殼看稀

稠和膏分三劑每用一劑乳汁化時滴兒口中三

日內服盡即止姚和衆云成煉硃砂能溫腸胃壯血

氣也一日只可一豆許勿得過也分三次用次用真牛

黃一大豆許細研以煉蜜酸漿大和成膏每用一大

豆許乳汁化下時滴兒口中姚和衆云能去驚辟

邪惡之氣若兒形色不實怯弱者不宜服之如胎熱

或身軀色赤黃者宜多服此法在三日外也



中寒論

兒纔生舉遲或斷臍晚者令兒胃冷故寒中之也又先斷臍後洗浴則水氣得入之或洗時水氣所干亦為中寒之候其證腹中絞痛天乳啼呼面青黑尿清白當以當歸末為粉著于絮土炙而熨臍腹日三頻熨至啼止臍乾為度仍不可炙令大熱恐引驚也

初生不乳

初生洗浴斷臍糊也華穢污下臍糞都了經曰不飲乳及不小便者此因難產或包裹舉遲中寒或被風邪微干傷動臟氣所致有此候者多為撮口治不可稍緩

通關散

治初生兒不飲乳及不小便

以石銀器中貯妳汁二合入四破葱白一寸煎取一合藥注子分灌之服盡立効

臍風撮口

兒自初生至七日內外忽然面青啼聲不出口撮唇緊不能哺乳口青色吐白沫四支逆冷乃臍風撮口之證也此由兒初生剪臍不定傷動或風濕所乘其輕則病在皮膚而為臍瘡不癢其重則病入臟腑而為臍風撮口亦如大人因有破傷而感風則牙關噤而口撮不能入食身鞭四支厥逆與此候頗同故謂之臍風撮口乃最惡之病也千金有曰小兒忽患臍



風撮口者百無一活皆坐視而斃良可憫惻有一法極驗但世罕有知者凡遇其患則看兒齒斷上有小泡子如米狀急以溫水蘸熟綿子裹手指輕擦破即口便開而安

又方視小兒口中上下斷間若有白色如豈大許便以指甲於當中搯之自外達內令匝至微有血出亦不妨又於白處兩邊盡頭亦依此搯令內外氣斷不必直破入指甲矣恐太甚則傷兒此二法相類子母秘錄云於搯破處以蜈蚣末傳之大良及有治方集之後凡兒產時諸物但令開口勿閉以履撮口口喙也治小兒斷臍之後不慎照管致風濕所乘令兒不能

名曰臍風宜速療之不久則難撮口也

當歸去頭半兩洗焙 天漿子去核三兩微炒 亂髮一握燒灰

又方右為細末入麝香二字許時 傳臍

又方 黃藥到 釜下黑煤 亂髮燒灰存性

右各等分同為細末用一字或半錢傳之

治小兒臍瘡不瘥因風傳變欲為撮口或為發癩者

金兩黃散

川黃連去頭一分為末 胡粉一錢研 龍骨一錢研紅研

右同為細末每用少許傳之時用

治小兒剪臍 風唇青撮口吐白沫四支冷

定命散



赤足蜈蚣

半條酒浸去毒

川烏頭尖

三個生

麝香

右為末入麝研勻每服半字煎金銀薄荷湯調灌  
治小兒初生撮口

蛇蛻皮

一分微炒

鈎藤

一分

乾蝎

稍

一分已上先細末

硃砂

一分別研水飛

麝香

半錢別研

真牛黃

半錢別研

右同研細拌勻再研每服一字取竹瀝一兩點同  
乳汁調灌下一方只○蛇蛻硃砂麝香各一分每  
用半字津調塗口中一日五七次

又方以鹽豉置臍上炙之

又方以夜合花枝濃煎汁拭口并先

又方於兒口傍先刺令見血碎雀甕汁塗之

又方生搗鼠婦并雀甕汁相和調塗抹口中漸以乳  
得効鼠婦乃濕生虫也

### 胎中病論

兒自生下至一臘前後有病者多是未生之前在母  
胎妊之時母食毒物胎有所感至生下之後毒氣發  
而為病又有母於娠妊之時失於固養氣形勿充疾  
痰因之故聖濟經言病生於中者與生俱生也今叙  
于後

### 梗舌

兒纔生出母腹因與揩拭口中惡物便子細看兒口  
中如有皮膜似蘆葦管中之膜裹定兒舌或連舌根  
者此名梗舌乃胎毒所攻而生或母於娠妊時愛食



飛禽之物感而所致使瀕急以指甲刺破剝去之揩拭血淨用燒白○礬灰細末傳半菜豈許若不摘去則梗其舌而不能語令兒啞也及日數多亦不能去也

氣閉 兒初生一兩日間有大小便不通腹脹滿而欲絕者此胎毒之氣鬱閉所致也便急令一婦人用溫水先漱口了後吸啞兒前後心并臍下及手足心共七處各五七次以赤○紅色為度瀕更氣散則自通矣不尔即無生意也有此候用此法可謂再生  
驚口 兒自初生至七日內外因胎毒上攻於舌上生白屑如米連口兩角生黃瘡及舌下有膜如石榴

子大令兒聲不發者名曰驚口

治小兒驚口保命散

白礬 一分燒 馬牙硝 半兩研細 硃砂 一分研細水飛乾

右同研勻細末每用一字取白 驚糞以水攪取汁調之先以手指纏亂髮揩拭兒舌上口角頰中去垢穢淨然後用藥傳之令遍纏髮指時以井花水沾用或以綿纏指頭沾粟苳汁用

治小兒驚口不能乳

以馬牙硝研細遍搽舌上下兩頰口角內外患處日三四次

又方以桑白皮汁和胡粉傳之



又方以雞胗中黃皮燒灰研細乳和傳之

又方以白鴛矢汁灌口中 又方以黍米汁傳之

又方以全蝎七枚先用薄荷汁浸過後用薄荷七葉

裹之文武火炮過焙令乾研末更入黃丹同研勻細

熟蜜和為膏傳病處

垂癰 兒自初生至七日內外因胎毒上攻血氣不

斂兒口中上疔連喉舌生物如蘆籜盛水之狀或作

瓶在懸癰之前塞其氣路不通令兒危殆名曰垂癰

又兒生下即死者多此病也入少知之當急視之凡

遇是病便以指甲摘破或以綿纏長針留尖如粟米

許刺之令兒氣泄則活其疱破則出青黃血水便用

帛子搵拭及用鹽湯蘸帛振揩令淨若入喉即傷兒

慎之慎之如一刺復作者再刺

治垂癰如聖散

鉛霜一分研細 真牛黃一分研細 太陰玄精石一分研細

硃砂一分研細  
水飛日乾

右件再同研勻入白龍腦細末半錢相和每用抄

一字至半錢 搽兒口中

重舌 重舌重舌 兒初生至七日內外因胎毒上攻於

兒口中若發於舌上作腫作兩重之狀名曰重舌若

發於舌上腫起初生更生示舌者名曰重舌腫悶作

痛令兒多啼不能哺乳而妨礙



治重嗜重斷 右以蛇蛻皮燒灰研細末傳之

又方 治如前 右以生蒲黃末傳之

烏鯁骨散 治重舌腫悶妨礙吮乳

烏鯁骨 一兩 乾蟻娘 半兩燒灰 蒲黃 半兩研

白礬灰 枯二兩研

右和研如粉每用半錢以鷄子黃調塗腫上嚥津不妨

又方 治如前

右以蛇蛻皮為末乾捨傳舌下患處不一時便消不能飲乳者用之得○飲或以鷄羽蘸淳醋展藥

擦香下

又方以木蘭皮長一尺廣四寸削去麤皮以醋一升漬之取汁注患處

又方以伏龍肝研細末牛蒡汁調傳或以衣魚塗舌上

又方以馬牙硝末塗舌下日三

又方以三家屠肉切如指大以摩舌上

又方以黃丹豆許納管中吹舌下

又方以蒲黃傳之不過三次麈一方微○炒以紙鋪地上出火毒研羅細末先用溫水蘸帛裹指輕、接

掠後摻藥

又方以桑白皮煮濃汁塗乳上吮兒



治重妨悶欲死

右以亂髮燒灰研細末以傳舌下頻用或燒簸箕灰傳上

又方治如前以鹿角炙適溫熱熨之或如米粒大安舌下

又方以小豆煮汁和鹿角灰傳之日三或以赤小豆米醋和傳舌上

又方以露蜂房燒灰研細末醋和膏傳之

蓐瘡 兒自初生至七日內外因胎毒攻發身生瘡者名曰蓐瘡謂在產草上生瘡也

治蓐瘡 右以黃連為細末先用生麻油塗盞子內

將黃連末遍搽油上倒合在鉢三脚子上下用艾葉

火熏令極乾刮聚再入生油膩粉各少許和膏傳之

又方以澤蘭心細嚼傳之

又方以葵根燒灰傳之

治小兒初生三日頭面生瘡緣起身軀壯熱多啼

升麻 柴胡去苗 石膏各一分 甘草 當歸去須各半

右以咀每服一錢水半盞煎至二分去滓時與

量兒大小加之

治小兒初生蓐中生熱瘡

右以鷄子五枚敲破去白只取黃又以亂髮如鷄子黃許二味相和銚子中煎熬取汁塗之更用苦



參耒傳之甚奇劉禹錫云頃在武陵生子蓐內便  
有熱瘡發於臂腿蔓延半身初用他藥無益狀候  
至重晝夜啼號不乳因閱本草有云亂髮合鷄子  
黃煎消為水療小兒驚熱下痢注云去痰熱百病  
又鷄子本草云療熱瘡因用之立効如神煎法鷄  
子黃亂髮初入鈔煎時甚乾少頃髮焦遂有液出  
旋取置一磁碗中以液盡為度

口噤 兒自初生至七日內外忽口噤不能乳腹急  
多啼下青黑糞或口生瘡如粟米名曰口噤此證牙  
關急而口噤與撮口相似然撮口證面色青啼聲不  
出口吐白沫比口噤證面色赤而多啼口不吐白沫

所以異也此緣兒在母腹中時為風熱傷胎所致故  
聖濟經曰風熱傷胎生而口噤也千金云赤者為心噤白者為肺噤  
治初生兒口噤不開不收乳立聖散

乾蜘蛛

一箇去足口取新竹瀝一中規  
去濕一宿炙焦為末

乾蠟

七箇為末

膩粉 一錢

右同研勻細末每服一字乳汁調滴兒口中時用  
又方以鹿角粉大豆末等分研細乳和塗乳上以兒  
吮之

又方以生甘草一分細剉水一盞煎至六分去滓放  
溫分數次灌兒口中令吐出痰涎穢物後取猪乳汁  
點兒口中瘡亦治撮口



又方以真牛黃少許研細淡竹瀝調一字灌之次以猪乳滴口中

又方以赤足蜈蚣去足炙黃為末以猪乳調半錢分三四次溫灌之一方同雀甕不開口者五枚燒灰研細末飲調服一字

又方以白殭蚕二枚為末蜜和傅兒口內如無以原蚕鵝二枚炙黃代之亦治撮口

又方以雀矢白水和圓麻子大乳服二圓鷄矢白亦佳一方鷄矢白棗大綿裹水五合煮二沸分服

治小兒口噤体熱

右以青竹茹三兩醋一升煎取三分之一溫分數

服

治小兒口噤牙關不開

右以天南星一個煨熟急用紙封角莫令透氣却以紙裹近上尖處翦一竅子雞頭大令熱氣出於鼻孔中熏之牙關立開亦治撮口

軀啼 兒自初生已來身色青白無血色好啼哭晝

夜不止身軀仰而軀夜則甚腹滿不乳大便青白晝

夜啼諸藥不効者此名軀啼乃兒未生已前在胎

胞中時為風冷傷而所致故聖濟經曰風冷傷胎生

而軀啼千金有云小兒有胎寒則腹痛軀啼時吐

哕或腹中如鷄子黃按之如水聲便沒而復出不



急治多變為癩

治小兒胎寒羶啼養藏湯

當歸

去芦一兩

沉香

丁香

白朮

桂心

川芎

各生兩

右為細末每服一錢水一盞薑二片煎半盞去滓

滴兒口中

治小兒忽患腹痛天矯汗出者亦胎寒也出千金

右以藜葉煮濃汁七合分三四次服

又方以當歸為末每用一小豆許乳汁調下日二夜

一病兒大添之

又方以栢子仁為末每服一錢半溫水調下

治小兒胎寒羶啼發癩礬石圓

右以馬齒礬火煨半口為末棗肉和圓黍米大每

服一圓乳汁送下量兒大小增損以瘥為度有痰

亦去神良兼腹脹不嗜食大便青黃色

血癖又名胎積

兒未生之前在母腹中藉母經血以

滋養焉至生下時須拭去口中惡血及用藥下盡

兒腹中穢血之糞方總飼乳若於生時揩拭兒口

中惡血不淨吞嚥入腹或腹中舊有穢血不曾下

之或下之不盡因而成癖故名曰血癖又名胎積

至生下百日內外兒生頭瘡眼目赤澁小便如血

口中氣急身體紫色腹脹躁煩多啼不乳



治小兒血癖胎積丸

白丁香二十箇 輕粉半錢 滑石半錢 乳香半錢

巴豆三十箇針串灯上燒焦微存性

右為末糊丸黍米大每一二丸者虛實大小與服煎柳心七箇湯放溫送下連一二服糞下惡物是効亦令乳母服和氣藥調養飼兒若兒服藥後吐不止大便不通面黑氣喘者死

胎赤 兒自生下至開眼已後眼兩眦及臉眶赤爛名曰胎赤此因兒生時稍難留帶時久或不慎照顧致惡血入於兒眼又或生下時搯拭兒眼邊惡血不盡亦令入兒眼漬汩以生是病不急治之則至長不瘥

治小兒胎赤眼二金散

黃連去須一錢 黃蘗一錢

右先為麈尾用妳汁同浸一宿焙乾收之每用少許以新綿裹荊芥湯浸之放溫時頻洗

胎驚 兒在母腹未生之前因有所驚胎內感之至生下百日以來兒心神不寧睡卧不醒壯熱煩躁啼哭無時上視發搐面青腰直撮口縮腮糞青黃水者此名胎驚方論著於驚疾門之中

胎怯 兒自生下以來面無精光肌肉脆薄大便白水身無血色時哽氣多噦目黑睛少羸疔多哭此



胎怯也宜天麻浴湯治之

胎肥 兒生下肌肉厚遍身血色紅潤至滿月以後

漸：肌瘦目白睛粉紅色五心熱大便難時：生涎

此胎肥也更看父母肥瘦肥不可生瘦：不可生肥

治亦宜天麻浴湯

胎熱 兒生下血氣時叫哭身壯熱如淡茶色目

赤大便黃赤糞稠急食乳此胎熱也治亦宜天麻浴

湯

治小兒胎怯胎肥胎熱等諸疾天麻浴湯

天麻 二錢 蝎尾 去毒為末 硃砂末 各半 白礬末

麝香 二錢 烏蛇肉 酒浸去皮焙乾 青黛末 各三錢

右為末勻每服三錢水三碗桃枝葉五七條煎半

數沸帶熱浴之勿得浴背湯須適溫熱用

治小兒胎熱或乳母飲食鹿惡辛苦乳汁不起兒色

如淡茶黃色瘦瘠不為肌膚四支痠癢繚戾服之克

悅健壯

芍藥 二兩半 柴胡 去苗二兩 鱉甲 茯苓 去黑皮各一

人參 去芦 大黃 各兩 甘草 乾薑 各半兩如熟即

右為末煉蜜和丸大豆大百日至一歲兒服一九

乳服日二量兒大小增減

不治病

胎內十二證 一雙瞽 二隻眇 三駢拇



四六指 五體殘 六支廢 七獨腎  
八瘖啞 九缺唇 十社老 十一孿拳  
十二侏儒

胎外十二證 一睛凸 二近視 三鼻艱

四耳返 五結喉 六項瘦 七舌短

八節彈 九龜背 十駝背 十一膝並

十二交脛

小兒衛生總微論方卷第一

小兒衛生總微論方卷第二

五氣論

兒自胎孕以至生成皆稟五行而分五藏故自五氣以生五態而各不同聖濟經言五行孕秀有異宜五態委保有殊氣冲和均賦賦性潛異者蓋母氣胎育有盛衰之虛實故其子生也有剛柔之勇怯又經云心氣虛而語晚肝氣微而行遲脾氣弱而肉瘠腎氣怯而解顛如此之類悉皆是矣然五藏之氣稟受殊異其於怯弱者聖人亦有方藥以補養之矣心氣盛者則伶利早言笑形神清而多髮心氣怯者則性癡而遲語髮久不生、則不黑心主血髮



為血之餘怯則久不生也 心繫舌本法則語遲也

治小兒生下無髮 以鯽魚燒灰末和醬傳之即生

治小兒髮久不生 菎膝丹

當歸 去芦一兩 生乾地黄 去苗土一兩 芍藥 一兩去土並為末

菎膝 一合別研 胡粉 半兩別研

右同研勻細煉蜜和丸黍米大每服十粒煎黑豆

湯下兼化塗頭上量大小用

又方以楸葉中心子杵爛絞汁塗之

又方以羊屎燒灰淋汁同豉汁洗之三日一次不過

十次即生

又方治血熱髮薄不生以桃柳煎湯入猪膽汁和末

頭髮自生

治小兒心氣不足從小至數歲不能言 菎蒲丸

石菎蒲 二錢 人參 去芦培半兩 丹參 去芦一錢

天門冬 去心培一兩 麥門冬 去心培一兩 赤石脂 三錢

右同為細末煉蜜丸菜豆大溫水下五七丸至十

餘丸量大小增損日三久服取効為度無時

又方

菎蒲 一兩寸九節者良 遠志 甘草水煮去心一兩 桂心 一兩 黃耆 半兩

人參 去芦半兩 黃連 去須半兩 酸棗仁 湯浸去皮半兩

右為細末煉蜜和丸如鷄頭實大每服一二粒煎

生薑湯化下無時



又灸法 灸心俞三壯灸兩足踝三壯

又方 治五六歲不語此心氣不足舌本無力不能

發轉故也一云風冷傷於少陰 以赤小豆為末酒

和塗舌上神効以社壇餘酢酒與飲少許

肝 肝氣盛者則驕健而早行立肝氣怯者則長不

能行而脚細名曰鶴膝肝主筋怯則筋弱故長不能

行也又或眉久不生眉屬肝肝氣不榮故眉久不生

也何以知眉屬肝且五臟皆有毛其髮屬心心為火

火性炎上故髮生上槍也鬚屬腎腎為水水性潤下

故鬚生下順也是以女人皆無外腎故無鬚也毛屬

肺肺在五臟之上而主外故毛生皮膚之外也眼睫

屬脾眼輪亦屬脾脾在右偏故睫斜生眼輪之上也

眉屬肝肝在左偏故眉斜生眼睫之上也左為上右

為下所以眉在上而睫在下也

治小兒從小至數歲不能行麝茸丹 經大驗

麝香 研 茄茸 酥塗炙黃 生乾地黄 去苗土

虎脛骨 酥塗炙黃 當歸 去芦洗 黃耆 剉各半兩

右為細末用羊髓二兩煮爛和丸黍米大每服十

丸摩沉香湯送下乳前日三服

又方 羚羊角丸 用尖細節密者 虎脛骨 敲破塗酥炙黃

生乾地黄 去苗土焙 酸棗仁 去皮炒 白茯苓 去黑皮



桂去粗皮不  
得見火

防風

去芦切焙

當歸

去芦切焙

黃耆

切焙各一

右為細末煉蜜和劑每用一皂子大食前溫水化  
下日三兒大者加之

又方以五加皮為末飲服之取藥家未開戶盜食哺  
之日三便能起行

又灸法小兒自小至五歲不能行者灸兩足踝各三  
又灸法小兒鶴膝脚細不能行者灸膝眼三壯

治小兒生下無眉毛欲得生者

以七月中採烏麻花不拘多少陰乾為末以生烏  
麻油浸每夜傅之

治小兒眉毛眼睫因癬退不生名乳頰癬赤芝散

野油花

旋覆花是也

赤箭

天麻苗

防風

去芦各等分

右為細末先洗癬淨搵乾以好油調塗之後服烏

犀丸

犀末

一錢

猪牙皂角

二錢末

乾蟾末

三錢

龍腦

少許

右為細末熊膽汁和丸菴豆大每服一丸溫水下

量大小加減

脾虛汗脾氣盛者肌肉厚而色紫耐壯而乳多脾氣

怯則肌虛而喜汗汗多則肉瘠脾主肌肉怯則肌虛

肌虛則榮衛衰故汗多而肉瘠也

治小兒脾怯多汗丁香散



陳皮一兩 青皮去穢 訶子肉去核 甘草各半兩  
丁香二錢

右為細末每服二錢水一盞煎六分食前溫服兒  
小分之

治小兒喜汗香瓜丸

大黃瓜黃色出種了者 川大黃濕帝裏 胡黃連

紫胡去芦 青皮去穢 鱉甲醋炙黃 黃蘗去粗皮

芦薈去芦各等分用瓜一箇

右將黃瓜割頂去瓤以諸藥為細末填瓜內至滿  
却將頂蓋口杖子簽定慢火內煨熟取藥并瓜研  
之如皮研不爛則去之乾那入麵糊和丸菜豆大

每服三二丸乳後冷漿水下兒大加之

粉法 黃連去頭 牡蠣火煨 貝母各七錢

右為細末以米粉一升同研勻粉身與丁香散同  
用

肺 肺氣盛者肌膚瑩白滑膩髮細黑淺肺氣怯則  
肌膚沮敗若無皮而血凝故寶鑑亦名血凝孫真人  
言小兒出腹肌肉猶是血也漸漸堅化肺主皮膚肺  
氣不充則血沮敗不成肌膚故若無皮毛而血凝面  
目繞鼻口悉黃閉目撮面口中乾燥四肢不能伸縮  
哭無聲不吮乳此皮毛不斂也多是不育千金治以  
龍騰湯方具于後



治初生兒血凝皮肉不斂哭無聲不吮乳

以胡粉研細酒和塗之乾即再

又方以白殭蚕為末煎湯適寒溫浴之

又灸法初生兒血凝

以臍四邊各去臍半寸并鳩尾

腎氣盛者顛小而合早牙齒早生腎氣怯者解

顛而顛不合牙久不生則不固面慘目睛多白腎

主骨髓腦為髓海怯則髓髓不成故顛解而不能結

解也解顛不瘥而百病交攻極難將護此最為大病矣

又腎主骨牙乃骨之餘怯則牙久不生也

治小兒解顛玉乳丹

鍾乳粉依法煉者半兩 熟乾地黄依法蒸者半兩

栢子仁半兩 當歸去芦半兩 防風去芦分兩

補骨脂一分揀淨微炒 或加黃蓍茯苓亦得

右為細末入鍾乳粉栢子仁拌勻煉蜜和丸黍米

大每服十九丸煎茴香湯送下乳後

又方 細辛去苗 桂心各半兩 乾薑七錢半

右為細末以乳汁和傳縫上乾即復傳兒面赤即愈

又方 以蛇蛻皮炒焦為末用猪頰車骨中髓調

傳縫上日三一方只用猪頰髓

又方 以駟蹄燒灰研細末生油和傳縫上以槎為度

治小兒顛不合 生鱗足骨半兩 白斂半兩



右為細末以乳汁和貼縫上  
又方以龜甲煮湯適寒溫漬之不得用黑者  
治小兒顛不合鼻塞不通

以大天南星微炮去皮為細末淡醋調攤緋帛  
子貼之仍炙手熱頻熨立効

治小兒顛不合顛腫顛陷并主之  
大蛇蛻皮半兩燒灰 防風去骨 白芨 大黃濕中裏煨

右為細末入青黛一分同研極勻每用半錢用積  
猪膽汁調勻將帛一片依大小長短剪一帛花子  
攤藥在上仍於四邊各留少白紙用淡醋糊塗徧  
以貼病上不住以溫水潤動一伏時換

方 防風一兩半 柏子仁 白芨各二兩 為末乳汁和

傳顛上十日知二十日愈日一易之

又法治小兒解顛顛不合作頭巾與裏遮護之久而  
自合千金云良法也

治小兒齒久不生

以雄鼠屎三十枚日一枚拭齒斷即生其屎兩

角尖者乃雄鼠屎也一云用雌鼠屎兩頭圓者

又方以黑荳三十粒於牛糞火內燒令烟盡細研

入麝香少許再研勻細用針挑不生齒處令血出

以藥末搽上不得見風忌醋多年不生者用之極

効



又方 以尿坑中竹木正旦刮屑塗之即生

### 乳母論

兒生自乳養者一切不論若令乳母乳養者必擇其人若有宿疾狐臭瘦瘠上氣喘嗽疥癬頭瘡龜背駝背鼻艱緊唇痲聾暗啞顛狂驚癇疽癰等疾並不可令乳兒也

凡乳母乃血氣化為乳汁則五情善惡悉由血氣所生應喜怒飲食一切禁忌並宜戒慎若縱性恣意因而乳兒則令兒感生疾病也若房勞乳母則令兒瘦醉交脛不能行若醉以乳兒則令兒身熱腹滿若畜熱乳兒則令兒變黃不能食若怒作乳兒則令兒驚

狂上氣若吐下乳兒則令兒虛羸氣弱是皆所忌也

凡每乳兒乳母當先以手按散其熱然後與兒吮之若乳驚汁湧恐兒噍乳不及慮防槍噎則輒奪之令兒少息又復與之如是數次則可也又當視兒飢飽節度一日之中知幾乳而足量以為常每於早晨若有宿乳須當捨去若夏月不去熱乳令兒吐嘔冬月不去寒乳令兒咳利又若兒大喜之後不可便乳令兒驚癇若兒大哭之後不可便與乳令兒吐瀉又乳兒不可太飽恐停滯不化若太飽則以空乳令吮則消

凡每乳兒乳母當以臂枕兒顛令兒口與乳齊乃乳



之不可用膊即太高令兒飲乳不快多致兒噎又乳母欲寐則奪去其乳恐睡著不覺被乳填沃口鼻別生其他事又且不知兒飢飽也

凡兒生六十日目瞳子成能識人百日任脉反覆一百八十日尻骨成能獨坐二百日掌骨成能匍匐三百日臑骨成能獨立三百六十日膝骨成能移步乳母常須依時按節續續教引使兒能會此是定法即不得常常抱持過時都不教引致令兒筋骨弛墮只恐成腰脚之疾也

### 慎護論

凡乳母慎護養兒乳哺欲其有節襁褓欲其有宜達其飢飽察其強弱適其襁褓循其寒燠蓋自有道不可不知也

凡兒自初生至滿月宜常常時取猪乳汁滴兒口中令嚙最為佳妙又以珍珠末一大豆許用蜜一規殼和之分三次或四次每十日內外與一次塗兒口中安心神鎮魂魄

凡兒生肌肉未成不可與煖厚新綿之衣當與故絮帛薄衣若與新綿厚煖則蒸燠生熱筋骨緩弱故聖經云襁褓者衣欲舊帛綿欲故絮非乃惡於新燠亦資父心之餘氣以致養焉

凡乳母若遇天和無風之時當抱兒在日中嬉戲使



數見風日則血凝氣剛肌肉硬蜜堪耐風寒若歲  
幃帳之內重衣溫暖譬如陰地草木不見風日則  
脆軟不任易為傷損故聖濟經言重衣溫暖厚幃帳  
周密宜與減損甚則傷皮膚害血脉是生多疾也  
凡兒嘗令薄衣雖冬月但令著兩夾衣及衲衣之類  
若極寒即漸加舊絮衣人家多務愛惜乃以新綿  
厚衣溫暖養過宜適以為害薄衣之法當從秋習之  
若至來春稍暖須漸減其衣不可便行卒減恐令  
兒傷中風寒

凡兒於冬月須著帽項之衣夏月須著背褖及於當  
脊更襯綴一重以防風寒所干謂諸藏之俞皆在  
於背故也又常令乳母每日三時摸兒項後筋兩  
轅之間名曰風池若熱即須熨之令微汗則愈諺  
云戒養小兒慎護風池者是也

凡兒於春時不可覆頭裹足致陽氣不得出泄則發  
熱矣凡兒常當看觀消息無令身體有汗若汗  
出則致腠理虛而以受風寒晝夜寤寐皆當慎之  
須審天氣冷暖衣複厚薄及以粉粉治之

凡兒於暑月時常令在涼處勿禁水漿但少少與之  
唯是不宜多與

凡兒不可抱於簷下洗浴又不可當風解脫恐為寒  
干又啼哭未斷不可與乳胃冷衝寒不可哺飼恐



為食傷又不可近神佛之前駟馬之畔又不可令  
兒見怪異之物及各門異戶不相識之人恐為客  
忤

凡兒生三日之外當與少哺姚和衷云以粟米煮粥  
飲研如乳汁每日與半規殼許以助穀神導達腸  
胃孫真人云以粳米飲七日外與三大豆許慎不  
可雜與藥喫巢氏云兒生滿三十日後當哺少  
物如二棗核許至五十日如櫻桃許至百日如大  
棗許若乳少當以意增之不可多與恐不能勝別  
生病矣若乳多不消哺食者亦須少少與之以壯  
腸胃兒大稍稍增之當有常劑聖濟經亦云兒生

三日用飲過三日用哺哺之以賴穀氣也哺之多  
少量日為則如是則五臟得養而胃氣壯矣今之  
養小兒者多務愛惜過當往往至二三歲尚未與  
食致脾胃虛弱體力怯軟平生多病若在半年之  
後宜煮陳米稀粥與之十月以後漸與稠粥爛飯  
以助中氣則自然易養少病惟忌生冷油膩葷茹  
甜物

凡小兒乳哺既有常劑若忽尔却乳哺少者此是腹  
中少有不和也便當與微微下之若都不肯食但  
飲少乳者此傷重要下之不可不下也若不與下  
則生寒熱或為吐利及為癖積脉大者發癩皆不



早治之由也孫真人亦曰小兒寒熱亦當下之乃  
差又小兒乳哺不能無痰癖也常當節適之若稍  
不進乳食便以微藥刻化紫圓最妙方在後不得  
行駛藥轉利又不得為無事而遷延致病大即難  
治尔小兒微患便與微下則損不甚而易愈矣若  
於春夏之時有疾千金云切不可妄行吐下及微疾  
亦不可亂行鍼灸蓋鍼灸傷經終吐下損府藏  
故也若誤行轉瀉則使下焦虛而上焦熱變成大  
病也故巢氏有言小兒春夏自甚病決定不可  
吐下者是也

食忌論

凡小兒有不可食之物不可不知今具于後

小兒不可多食粟子令兒氣弱行遲熱食則氣壅

小兒不可食蕨菜令兒立則無力久不能行

小兒不可食芡令兒不能行

小兒不可食黍米雞肉胡瓜令兒腹中生虫經驗

方云小兒未斷乳食雞肉令兒腹生蛇虫

小兒不可食越瓜令兒發痼疾

小兒不可食麥令兒髮落麥是蕎麥也

小兒不可食蕘茨令兒臍下痛

小兒不可食鱈魚令兒生癥癖

小兒不可食炒豆猪肉令生氣壅致死



大小論

經言六歲已上者為小兒十八已上者為少年據此  
之言則十八已下者皆為小兒也此乃古之所論尔  
以今時較之則時世相異理或未當且礼云男子三  
十曰壯有室又曰男子二十而娶是古之男子皆二  
十已上方娶故十八以下得為小兒之稱今之時則  
不然男不過十五而娶至十八已有生一二子者豈  
得為小兒也以今時言之當以十四以下為小兒治  
其十五已上者天癸已行婚冠既就則為大人治耳

諸般色澤紋證論

經云小兒六歲已还者經所不載有病難治無承據

之也詳之此謂嬰兒未能言者有病則無由問其所  
苦故無承據也若能言者必能問之小兒豈有六歲  
尚不能言者哉其不能言者唯一二歲兒也故先賢  
言嬰兒未能言者最為幼小有病則肌膚未全寸關  
不辨變蒸交互氣血細微若憑診切實難明曉惟在  
觀其形色參其證候乃知病之所在者矣其觀視之  
法須要安神定志勿令情意惑亂不得於兒哭斷之  
時睡起之際則色不正矣須於辰時之後巳時之前  
夏即未熱冬即未温外色不雜內氣閑雅乃可向明  
而觀察之也聖濟經曰通識之士必察剛柔勇怯視  
其盛衰虛實適以寒温平以陰陽病之輕重緩急隨



證以治之不必蔽於難治也諸所論繁紊難以執據  
今採其當者叙而次之

諸色澤候

面上五臟部分色 左頰主肝右頰主肺額上主心

鼻上主脾 一云唇口 頤上主腎色青為風色赤為熱色

黃為食色白為氣色黑為寒也

面上五臟四時色 經言五臟之色皆外榮於面故

死生疾病係焉肝主春其色青心主夏其色赤脾

主長夏其色黃肺主秋其色白腎主冬其色黑是

謂五藏之色隨四時各榮於面也其色不深不淺

應常光潤者為和平也若色重深者其藏實淺淡

者其藏虛

面上五藏生死色 經曰滋榮者其色生青如翠羽

赤如雞冠黃如蠟腹白如豕膏黑如烏羽枯夭者

其色死青如草茲赤如衄血黃如枳實白如枯骨

黑如炭煤

面上五藏部分相乘色 肝色青者本色也赤者心

乘肝也黃者脾乘肝也白者肺乘肝也黑者腎乘

肝也心色赤者本色也青者肝乘心也黃者脾乘

心也白者肺乘心也黑者腎乘心也脾色黃者本

色也青者肝乘脾也赤者心乘脾也黑者腎乘脾

也白者肺乘脾也肺色白者本色也青者肝乘肺



也赤者心乘肺也黃者脾乘肺也黑者腎乘肺也  
腎色黑者本色也青者肝乘腎也赤者心乘腎也  
黃者脾乘腎也白者肺乘腎也

面上五藏四時相乘色 經言青赤見於春赤黃見  
於夏黃白見於長夏白黑見於秋黑青見於冬是  
謂五藏之生五行相繼也為病輕若肝色見青白  
心色見赤黑脾色見黃青肺色見白赤腎色見黑  
黃是謂真藏之色五行相剋也為病重

面目死生色 內經曰凡病面黃目青面黃目赤面  
黃目白面黃目黑者皆 不死聖濟經云脾真為  
本而面黃必生者以真氣外榮故也若面青目赤

面赤目白面青目黑面黑目白面赤目青者皆死  
謂無脾色外榮而真氣已絕故也

鼻上色 聖濟經曰鼻端青為腹冷黑為水氣白為  
無血黃為胃寒赤為有風鮮明為留飲

目內色赤者心熱淡紅者虛熱青者肝熱淺淡者肝  
虛黃者脾熱無精者腎虛

金匱死色 凡小兒病者有黑色滿面或繞口入口  
或延眉繞目或睛人中者皆死有青色延面連目  
入耳者死目無精光眼中有物如橫紅針者死  
外臺死色 凡小兒病者面上有青黑色如紗蓋定  
從髮際至印堂者不以疾狀淺深六十日死至鼻



柱者一月死至人中者十日死滿面者即日死  
諸處紋狀候

耳後完骨上有青脉如線三兩路卧不靜者此癇疾  
候當刺搯破令血出以為小治若自腫破者死候  
也

手大指後白肉魚際之上有筋絡色青黑者胃中有  
寒赤黃者有熱赤青黑雜者寒熱若青而小短者  
少氣

义手處手大指第二指之間虎口上有筋脉如線看  
其顏色曲直以訣其病若紋直者是驚曲者是傷  
沉隱為風曲外有冷曲內為食

歌曰虎口青紋直情知四足驚黑色元因水赤乃火  
飛禽淡紅人驚發灣紫有傷尋外冷內為食沉隱  
定風生長大疾須重短小得安平但看义手處病  
候驗虛真

第二指上反三節名曰三關小兒有男左女右看之  
有八般筋脉紋狀以驗其病名曰八片錦最下一  
節名為氣關有紋過者病絕覺重諸病既生則氣  
不調順故名氣關也

第二節名為風關有紋過者須發驚風漸加困重故  
名風關也

第三節名為命關有紋過者則病極而命危殆故命



關也

魚刺形主初驚 在氣關主壯熱吐瀉在風關主初驚  
總發在命關驚極難治

歌曰形如魚刺是初驚 遍體如湯面色青

吐瀉躁煩如似此 通腸和氣便惺惺

垂針形主瀉痢 在氣關主傷冷吐瀉在風關瀉傳

驚風在命關驚傳慢驚風極候

歌曰形如懸針瀉利多 發驚身熱定遠和

此病若變驚風慢 命關已度是沉痾

水字形主肺驚 在氣關涎痰咳嗽虛積在風關發驚

喘更涎在命關因不治

歌曰形如水字肺家驚 虛積相傳面色青

高上有涎須與治 命關若過更無寧

乙字形又曰中曲主食驚 在氣關主食傷吐痢在風

關傳變風乙形屬肝肝刑于脾在命關傳慢脾風

不治

歌曰形如乙曲病因肝 眼慢驚啼瘈瘲偏

冷積為傷傳變此 慢脾風已度三關

去蛇形主內實外虛 未蛇形主外實內虛

蛇中卷形內外俱虛 此數樣皆曲虫又曰曲蛇在氣

關主疳積在風關主勞帶驚在命關不治

歌曰形如蛇曲病因深 脾積疳勞又帶驚



未過二關宜早治

若過三關更莫論

〇長者子形短者環形三疳積在氣關吐逆疳熱喫泥

土在風關疳極羸瘦在命關不治

歌曰形如環子疳氣黃

好食泥土是尋常

此病早求良醫治

三關已到命飛場

〇亂紋形主虫痛

在氣關主氣不和有虫積食諸

生物在風關主虫咬心腹痛在命關病困極難治

歌曰紋亂縱橫虫上尋

曉夜啼號不可憐

神佛求遍都無應

安虫取積得康寧

〇珠形死候此候不俱三關上下見者皆為死候

歌曰琉珠死候不須醫

便是沉痾莫療之

三關若見都休望

安排後事更無疑

諸紋總歌

魚刺初驚候

懸針瀉痢多

水紋驚肺積

乙樣是肝訛

曲虫驚疳病

環子一論過

亂紋虫咬甚

琉珠病已痾

五藏主病論

諸形證候

肝藏 肝主風肝病實則目直叫哭呵欠頓悶項急

治當瀉之

肝病虛前牙多欠口中氣熱則外生口

中氣溫則內生治當補之肝熱則墀衣捨物執甚

則目直不搖風主動又風淫末疾熱即風動



於四末故手搏衣捻物也熱入於目牽其筋脈則  
兩背俱緊不能轉視故目直也治當瀉其心肝  
有風則目連劓風甚則身反折強直不搐凡病新  
久皆引風動止於頭目目屬肝風入於目則目  
上下左右如風之吹不輕不重兒不能任故目連  
劓也風甚則風入於筋脈筋脈緊急故身反強直  
也治當瀉肝補腎肝有熱有風甚則皆無驚證不  
搐者謂未得心熱故也若心熱乘於肝則子母俱  
有實熱風火相搏而乃發搐其抽掣之勢如風蕩  
火也治在驚疾門之中若肝熱搏衣捻物壯執欲  
食喘悶者肺乘之也治當瀉肺肝於四時冬相

春王夏衰秋絕若在春肝王之時早晨亦同反見

肺病乘肝者是肺強肝怯也治當瀉肺補其腎

今肝虛補腎者母能令子實也甚則直補其肝或

子母補之俱補輕者肺病退則愈重者目中淡青

必發驚若更有赤者當發搐也謂怯則目淡青色

有心熱則赤故當發搐肝虛實皆主風若外感生

者則呵欠頓悶口中氣熱治當發散若能食飲水

不止者當微下之餘不可下也

心藏心主驚心病實則叫哭發熱飲水惕跳上竄

發搐治當瀉之心病虛則卧而悸動不安手足搖

縱治當補之心病虛實皆主熱心實則喜卧謂



心氣實則氣上行溢若合面卧氣則不通快故喜  
仰卧使氣上下通也 治當瀉之心熱則視其口中  
氣温或合面卧而就冷及上竅咬牙也謂心熱則  
膏亦熱兒雖不能言有就冷之意故合面卧也 治  
當瀉熱若邪熱乘心則為驚啼治當安神心於四  
時春相夏王秋衰冬絕若在夏心王之時日中亦  
同反見腎病乘心者是腎強心弱也 治當補其肝  
心瀉其膀胱今腎強而瀉膀胱者謂腎主虛而無  
實瀉其膀胱之府則藏不得盛也輕者腎病退則  
愈重者悸動不已當發搐也

脾藏胃附脾主困脾病實則困睡身熱飲水能食治

當下之脾病虛則身温四支冷吐瀉生風治當補

之脾冷者夜啼脾屬陰冷即夜間發痛故兒啼哭

治當温中脾熱者弄舌脾熱則舌絡緊故時時舒

吐也或時飲水熱則津液少故也 治當分解其熱

不可用涼藥下之醫者多疑其飲水為熱便以涼

藥下之加面黃肌瘦五心煩熱則為疳也 治在疳

疾門中若不因脾熱大病未已弄舌者凶也又脾

藏冷熱皆主吐瀉困倦若吐乳色黃者傷熱吐乳

色青者傷冷四時之間秋冬春三時皆冷多惟夏

暑時有熱多

胃附 胃熱者若吐瀉昏睡露睛者虛熱也若吐瀉



昏睡不露睛者實熱也胃久虛熱多生疸病胃冷者若吐痰沫白綠水不食腹痛或瀉青曰利穀不化者胃虛冷也若胃虛怯有汗者但上至項下至臍也若面恍白無精光口頻撮口中氣冷不思食者胃不和也又小兒筋骨未成血脉未全自小多啼哭者胃啼也脾胃二者腑臟表裡人之司命故同病也脾於四時王在四旁證四季月若於王時反見他藏病乘脾者是脾弱也如春季三月木位土王之時見肺來乘之秋九月金位土王之時見肝來乘之之類是也他放之治當補弱為強隨証治之輕者所乘之藏病退則愈重者而目赤黃脾怯也

肺藏 肺主喘肺病實則身溫悶亂氣 促喘急治

當瀉之肺病虛則身熱噎氣長出氣治當補之肺

熱則手陷眉目鼻面甚則吐稠涎及咯血者久則

肺虛治當補之若虛熱則唇深紅色治當解熱若

實則涎痰潮吐治宜下涎肺氣盛而熱又復有風

冷者則腎滿短氣悶亂喘嗽上氣常先治肺後

散風冷若肺只傷風者不腎滿也但只散風又肺

有虛實寒熱咳嗽者並於咳嗽門論之肺於四時

夏相秋王冬衰春絕若在秋肺王之時口逆時同

反見肺病來乘肺者是肝強肺怯也肺怯則唇色

白若病而悶亂氣麓喘促噎氣者難治為肺虛損



也唇白者 謂肺脾病久也脾為肺之母母子皆  
虛不能相營也故名曰怯 治當補脾肺而瀉其肝  
腎藏 腎主虛腎病無實唯斑瘡腎實則變黑陷餘  
無實病腎病虛則身冷無精光畏明体骨重蓋腎  
氣不足則下窳而骨重惟欲墜於下而縮身也又  
腎屬水陰也虛則畏明若因他病致腎虛者非也  
又腎虛者謂本怯由胎氣不成精神不足目中白  
睛多面恍白無光多解顱此皆難養縱長不過  
八八之數若恣色欲多不及四十而亡也 治並當  
補之腎於四時秋相冬王春衰夏絕若在冬腎王  
之時 夜半同反見心病來乘腎者是心強腎弱也  
治當瀉心而補腎 輕者心病退則愈重者下窳不  
語腎怯虛也

凡病必視其新久虛實假令肺病又見肝證若前牙  
多欠者則易治謂肝虛不能乘肺也若目直叫哭  
項急頓悶者則難治謂肺病久則虛肝強而實反  
勝其肺也虛則補其母實則瀉其子又病必視其  
五藏衰王時候參其相乘勝負虛實其順易治微  
邪是也逆者難治賊邪是也 五藏相反隨證治之  
凡病先虛或已經下之有合下之者必先實其母後  
下其子也假如肺虛而痰實此可下之證當先益  
其脾後乃瀉肺也諸病放此



凡病有熱者或踈利解化之後無虛證者勿得用溫  
補之若用之熱必隨生

諸死絕候

喬岳五藏絕歌

心藏 吐瀉變為痢血黑渴難當心主血心絕則血

色變黑虛燥而發渴 肌瘦難行坐虛舌不縮藏心

主舌絕則不能收兩臉如脂赤 痢久則面當無色

今而色反如脂者心絕則虛也 上發也無語口生

瘡 心主舌絕則不能語若向夏中得更莫細思量

肝藏 眼目時時澁渾身似醉人頻頻欲要睡心煩

又多噴肝主目絕則不能開故澁而只要睡又肝

主筋力絕則如醉人不能舉也又肝主怒絕則多

怒不止也唇白眼胞腫狂躁足啼聲東方應此候

病則不宜春

脾藏 面色黃時好不可見相傳休弱增寒甚虫行

覓食食脾主支休絕則休弱又脾絕則腎逆乘之

故發情寒脾絕則胃熱故虫不安而上吐出 喫乳

唇無力齒露蓋時難 脾主唇絕則不能收掩其齒

又不能吮乳眼傾休下藥 眼眶屬脾絕則傾陷免

更住人間

肺藏 肺候應白色莫使見絕形鼻青孔燥黑腹脹

眼眶傾肺主鼻絕則肝逆乘之而色青又肺絕則



無涕故孔黑燥也肺主眼胞絕則陷之項直喘氣  
急腎凸沒迴聲肺主氣絕則喘急項直以引氣也  
氣絕則腎中滿凸但有出氣而無迴○氣也秋間  
逢此候四方別托生

腎藏 冷汗時時有尿多夜裡驚腎絕則陰陽相離  
故冷汗出而小便不禁精者神之舍絕則精神離  
故夜裏多驚腎屬陰夜亦屬陰故也遍身生粟疥  
手足冷如冰 陽盡不能充煖故也項倒頭難舉面  
黑沒精神腎絕則天柱骨倒面目皆黑無精神也  
此候應壬癸冬得殞其身

王叔和死證歌 眼上赤脉下貫瞳人顙門腫起兼  
及作坑鼻乾黑燥肚大青筋目多直視都不轉睛  
指甲黑色忽作鷓鴣鳴虛舌出口齧齒咬人魚口氣  
急啼不作聲虺虫既出必是死形用藥速急十無  
一生

錢乙死證 瀉不定精神好 大渴不定止之又渴  
吹鼻不噴 病重口乾不睡 時氣唇上青黑  
點 頰深赤如塗胭脂 鼻孔開張 喘急不定  
面有五色不常不澤

諸般死證 病困汗出如珠不流 頭毛上逆唇口  
枯乾 口鼻冷氣 頭足相低 卧正如縛 四  
支垂躡 手足掌冷



通真子死候歌

顛陷唇乾目直視

口中冷氣即如痴

身形強直手足軟

掌冷頭低盡莫醫

小兒衛生總微論方卷第三

變蒸論

小兒在母腹中胎化十月而生則皮膚筋骨腑臟氣血雖已全具而未充備故有變蒸者是長神智堅骨脉也變者易也蒸者熱也每經一次之後則兒骨脉氣血稍強精神性情特異是以聖濟經言嬰孺始生有變蒸者以體具未充精神未壯尚資陰陽之氣水火之濟甄陶以成非道之自然以變為常者哉故兒自生每三十二日一次者以人兩手十指每指三節共骨三十段又兩掌骨共三十二段足亦如之以應之也大倉公曰氣入四支長機骨於十變者乃是也聖



濟經又曰變者上氣蒸者體熱上氣者則以五藏改  
易氣皆上朝藏真高於肺也體熱者則以血脉敷榮  
陽方外固為陰使也故變蒸畢而形氣成就者也亦  
由萬物之生非陰陽氣蘊熱蒸無以榮變也兒自生  
三十二日為第一變者屬腎又三十二日再變且蒸  
者屬膀胱腎與膀胱為表裡共六十四日也其變則  
耳與髀骨皆冷者腎為水數一故為變蒸之始也又  
三十二日為第三變屬心又三十二日為第四變且  
蒸屬小腸心與小腸為表裡共一百二十八日也其  
變則汗出而微驚者心為火火數二故為變蒸之次  
二也又三十二日為第五變屬肝又三十二日為第  
六變且蒸屬膽肝與膽為表裡共一百九十二日也  
其變則目不開而赤者肝為木木數三故變蒸之次  
三也又三十二日為第七變屬肺又三十二日為第  
八變且蒸屬大腸肺與大腸為表裡共二百五十八  
日也其變則皮膚熱或汗或不汗者肺屬金金數四  
故為變蒸之次四也又三十二日為第九變屬脾又  
三十二日為第十變屬胃脾與胃為表裡共三百二  
十日也其變則不食腹痛而吐乳者脾為土土數五  
故為變蒸之次五也後又六十四日復一大蒸四次  
積二百五十六日大蒸畢凡五百七十六日大小變  
蒸數足其血脉充榮則手受血而能握足受血而能



步此亦手足之應也其變蒸之候體熱微驚耳冷翕  
冷上唇頭有白泡起若魚目珠子脉亂或汗或不  
汗不欲食食則輒吐目白者重目赤黑者微閉而不  
開至變蒸了自然明矣其輕者五日而衰重者十日  
而衰或先期五日或後之五日或十日之中熱乃除  
耳若熱甚違旦不歇不得驚動勿令傍邊人多而語  
雜不可妄行灸刺但少與紫圓微利之則熱便止矣  
或用孫真人肘後黑散子粉香散調治亦可唯不可  
餘治若傷寒時行溫病及驚熱溫壯等候雖與變蒸  
頗皆相似耳熱翕熱唇上無白泡珠乃為他病各從  
其證為治若於變蒸內有寒加之寒熱交爭臍腹天  
矯啼不止者熨之則愈

### 變蒸賦

看病嬰兒先明四時既有變蒸之狀還如溫壯之推  
寒熱初來慎一七而方退周期未滿當四八以重期  
原夫魂魄將成筋骸始榮開舒腠理通徹竒經運用  
而陰陽以正往來而血氣初平頓覺精神嬰嬰全然  
有異未知蒸變一一子細須明肝者幹也東方所屬  
為木象之三數發形證於兩目渾身壯熱令瞳子以  
無輝遍體昏沉為神魂而未足四數於金二由在火  
咳嗽頻頻汗珠顆顆兩日間嚏噴仍加數夜裡虛驚  
又可暗增骨髓學反復以番身漸長性情畏傍人而



戀我脾土五呼腎水一稱穀氣暗引精志時增乳哺  
甘甜尻骨成而獨坐戲經絡流利掌骨具而匍匐能  
次後筋脉之稍更膝踝之漸變氣乃而榮於四肢光  
彩而滋於滿面亭亭立猶未穩嘍嘍語尚聲顫手足  
受血移步行而堪伶耳目通神意智生而可羨斯由  
呼吸以定肌體乃厚兩氣而外陽內陰一息而入鼻  
出口期來應節自然腑臟充盈將養乘宜致得風邪  
甚有於是髮豎無潤乳嘔吐口珠起丹唇冷浸聒耳  
或腸鳴而微利或驚啼而勿喜紅云蒸即蒸血肉之  
堅變即變形神之正矣

治方

紫丸 治小兒身熱變蒸不解及溫壯傷寒乳哺失  
節宿滯痰癖腹滿吐現便利不調等疾亦治食癩乳  
寒後熱

代赭石火煨醋碎半盞 赤石脂各一兩 巴豆 二十個 煎油

杏仁 五十粒去皮尖

右止二味為細末下二味搗成膏相和更研二千  
下相得若硬入少蜜同杵作劑蜜器中收之三寸  
日見服麻子許分圓乳汁送下候食頃之後方與  
少乳勿得多與至日中當小利即熱除若未除則  
旦更一服百日見小豆許以此準量加減夏月多  
熱喜令發疹每二三十日輒一服甚佳



黑散子 治嬰小身熱變蒸不解及執時行溫病

麻黃 五分 杏仁 一分 石膏 二分 煨石膏 一分

右都燒存性為細末每服壹字或半錢量大小加減以水半銀盞煎少許須抱兒於度溫避風處連進三三服取微汗候身涼以粉香散撲之一方只炒黑用

粉香散 蚌粉 不以多少研極細水飛過 麝香 少許研

右勻末用綿裹撲兒身如已涼胃氣未和不快美乳服觀音散方在後

法 治小兒變蒸內有寒加之發寒熱交爭臍腹而痛啼不止

竈中灰 食塩

右二味量其相等和勻炒令熱以重帛裹適溫熱熨兒仍不可太熱恐驚烙兒也

已上凡兒於變蒸之內若遇身熱脉亂汗不出不欲乳食乳食後輒吐者必審其日數度是變蒸之時者雖有是證無所苦也 陳知軍云小兒變蒸但以四君子湯

加茯苓神與服其方白朮人參茯苓神各半兩甘草炙三錢同末薄荷湯調下一錢慎不可餘治及服驚藥恐冷傷胃氣也

### 脉理論

凡兒稟受臟腑氣血榮衛形體雖有生皆全然於未語之前變蒸之際則血氣未充膚革未固筋骨未堅





原件短缺 52-55



脉状未成若有病也難為診切又難訪問是以先賢  
言嬰小之病難治者以無承據也故立其觀視形色  
之法焉兒自生積五百七十六日大小變蒸數畢則  
氣血榮精神異筋骨壯脉理全然後方可診切又能  
言問也或以謂小兒之脉與壯老不同者是不達診  
治之大體也凡脉之長短遲速在因形以別之不必  
拘於至數經言小兒脉多雀闔要以三部為主其脉  
小數小細者平也諸家所言甚衆今擇其當者具之  
孫真人云小兒之脉固難分表裡今撮其要者不出  
數條其總目歌曰

小兒有病須憑脉一指三關定其息小兒臂短難以

涎壅此為積熱與壯熱相似但膏高涎壅為異乃歲

府積蘊熱毒三焦葛腕壅滯也又搖頭項鞭者亦三

焦葛腕壅也 已上皆甚則發搐治在驚癇門中

小兒身體發熱氣促鼻塞清涕嚏噴寒毛立眼淚出

或吐痰水此為傷寒 治在傷寒門中

小兒身熱時發時退退但壯熱或夜發熱面黃腹脹

吐瀉乳食不化糞酸臭異常此為食傷 治在傷食門中

小兒夜發熱曉即如故多涎喜睡此肺虛發熱也此

與食傷夜發熱相似要須識之况二證餘候各皆不

同食傷者可下肺虛者不可下下之則失津液發渴

引飲昔錢乙治朱監簿子五歲夜發熱曉即如故衆



醫作熱以涼藥解之不愈其候多涎喜睡又以藥下其涎病益甚至五六日大引飲請乙治之乙曰不可下乃取白朮散煎湯三升使任意取足服朱曰飲多不作瀉否乙曰無生水不能作瀉縱利亦不足惟但不可下耳朱又曰先治何病乙曰止瀉治痰退熱清神皆此藥也服盡又作兩次與服其子不渴無痰又投阿膠散二服而安是此證也錢乙方本集載之小兒每早食後發熱至夜則涼此為血熱治方在後

小兒身熱形瘦多渴飲食不為肌肉此為疳熱治在疳門中

小兒血氣旺盛發渴引飲大便黃緊小便赤少四肢

身體翕然而熱此為胃實熱也治宜下之

小兒身熱微驚耳冷骹冷上唇頭有白泡起如魚目

珠子或汗或不汗此為變蒸治在變蒸門中

小兒身熱昏睡驚悸喜噎噴耳尻冷此為瘡疹候治

在瘡疹門中此與食傷變蒸相似傷寒耳尻皆熱

變蒸唇上有白疣泡珠子為異

小兒身熱者更有內外在內者當飲水得之在外者

多因風寒得之錢氏有云小兒身熱飲水者熱在

內身熱不飲水者熱在外此大槩之驗也在內者

宜下之在外者宜散之若小兒積蘊內外傷感表

裡渾身俱熱頰赤口乾小便赤大便焦黃少者先

以四順清涼飲子利動藏府熱即吐矣既而復



熱者是裏熱已解而表熱未去復以惺惺散或紅  
錦散加麻黃微發其汗表熱乃去既去又復發熱  
者世醫盡不能曉再下再表皆為不可設傷多矣  
此表裏俱虛氣不歸元陽浮於外所以再發熱也  
但以六神散和其胃氣則收陽歸內身便涼矣  
閻孝忠論小兒壯熱傷風溫疫傷寒風熱瘡疹傷食  
率皆相似未能辨認之間但與升麻葛根湯惺惺  
散小柴胡湯服之甚驗蓋此數藥通治之不致誤  
也惟傷食者則大便酸臭乳不化畏食或吐宜與  
微下之

孫真人論小兒內外氣盛眠時小驚或微覺傷風傷  
食又慮變蒸身熱者但以紫圓方已在前更蒸用下

或龍膽湯為治此二藥無所不療雖微利動以減  
盛氣亦不虛人小兒糞黃而臭者此腹中有伏熱  
也宜服龍膽湯若糞白而酸臭者此挾寒不消也  
宜服紫圓但少與令內消甚者小增令微稀澹皆  
須節乳哺一兩日令胃氣平和若不節則病易復  
復則復下傷其胃氣令腹脹滿若至再三下之則  
過傷矣

諸治方 治小兒潮熱溫壯勝金散

雄黃

一錢  
水飛

白附子

半錢

甘草

半兩炙

芍藥

半兩水煎  
十沸晒乾

南星

半兩炮

荆芥穗

一分



右為末每服半錢水一小盞入薄荷三葉煎至五分盞去滓溫服無時

治小兒潮熱發躁金花散

川大黃一兩 秦艽去荒半兩

右為末每服一字或半錢水一小盞入青蒿三兩葉葱白二寸同煎至五分盞去滓溫服若亦骨蒸勞氣用童子小便浸青蒿葱白煎藥

治小兒潮熱減食蒸瘦秦艽散

秦艽去荒切焙 甘草炙各一兩 乾猫兒薄荷葉鮮兩

右為末每服一二錢水一中盞煎至五分盞去滓

食後溫服

治小兒虛熱潮作亦治溫壯及解傷寒地骨皮散

知母 柴胡去荒 甘草炙 半夏湯洗七次切焙

人參去頭 地骨皮去骨 赤茯苓去黑皮各等分

右為末每服二錢水一盞生薑五片煎至六分去滓食後溫服量大小加減

治小兒溫壯身熱臉赤煩渴燥悶涼肌圓

龍膽草去荒二兩 玄參去荒一兩 當歸去荒洗淨一兩

右為細末煉蜜和圓黍豆大每服二十圓竹葉湯下兒大增之無時

治小兒溫壯風熱牛黃膏

寒水石四兩煨出火毒 雄黃一兩水飛 山梔子仁一錢半



甘草一分

牙硝一兩

鉛白霜半兩

右為細末入麝香少許煉蜜和旋取皂子許薄荷水化下乳食後

治小兒溫壯風熱睡卧不穩咳嗽喘急尅效散

龍腦薄荷葉二兩

白殭蚕去絲嘴微炒半兩

玄胡索去皮半兩

右為末每服半錢或一錢蜜湯調下無時

治小兒風熱驚執眠睡不安鎮心丹

此胡術帶秘方許宜

鐵粉一分 蛇黃一兩煨醋炒七次

代赭石半兩煨醋炒

馬屁李干兩

麝香一錢別研

右為細末煉蜜入糊圓如小豆大每服一粒磨剪

刀環水化下食後亦治驚癇發搐

治小兒風熱昏塞躁悶不食梨汁粥

右以鶯梨三枚切碎以水二升煮取汁一升去滓

入粳米一合煮粥食之

治小兒驚熱如火亦治溫壯龍齒散

右以龍齒為末調服或以爛龍角研濃汁服一二

合

又方人參牛黃散

右以人參牛黃等分為末以薄荷水調下最佳

又方治如前

右以竹瀝二合溫之分三四服無即刮情如以醋



煎温服

治小兒積熱啼叫三焦壅滯青金丹

青黛 四兩 甘草 二兩生末 蟬殼 去足一兩末

麝香一錢研 辰砂 一分研水飛 牛黃別研

腦子各三銖 龍齒末 半兩 天竺二黃 半兩

右為細末以飴糖和圓雞頭大每一粒分四服温  
水化下無時

治小兒積熱痰實三焦蘊毒及風熱面赤大小便秘

油犀角圓

生犀末一分 人參 去芦半兩 黃連 去須一兩

枳實 去核半兩炒 檳榔 半兩 大黃一兩酒浸切

片以巴豆一百個去皮貼在大黃上紙裏飯上蒸三次切碎炒黃焦

去巴豆只用大黃

右為細末煉蜜和圓如麻子大每服一二十圓臨  
卧熟水下未利加圓數蹀道極穩

治小兒諸熱四順飲子

地骨皮 去骨 防風 去芦并叉枝 山梔子 去殼取仁

連翹 各等分

右為細末每用一錢或二錢水一小盞入灯心竹  
葉少許煎至五分盞放冷服無時

治小兒諸熱甘露散

牙硝 一分 龍腦薄蒟葉 一兩 大黃 半兩



甘草半兩炙 黃芩一分 雄黃一分水飛

右為末每服半錢蜜水調下無時

治小兒諸熱煩躁牛黃散

右鬱金大者濕帟裹慢火煨熟為末入牛黃少許  
冷水調下大者一錢小者半錢無時

治小兒身熱不痊

右以熟湯研郁李仁如杏酪一日服二合

又方

右以鷄卵一枚和白蜜服之

小兒於立夏之後有病身熱者慎勿妄為吐下但以  
除熱湯浴之除熱粉粉之赤膏摩塗之出千金

白芷根苗皆參分為麈散用清漿水煎更入

鹽少許以浴兒浴畢用粉粉之

又方

白芷苦參秦皮煎湯或無衆藥但得一味煮湯皆

可

又方

右切李葉一升水七升煎至五升適溫煖用之澡

浴或只用楮葉亦可

涼肌粉

右以白芷楓葉棠木苦參黃連等分為細末每用



三錢以蛤粉二大塊同研勻細入生絹袋子每浴  
了以撲身遍令勻亦治夏月伏暍遍身生赤瘡子  
用之極妙

赤膏

丹參 雷元 芒硝 戎鹽

大黃 各三兩

右切碎用苦酒半升浸四物一宿以煉成猪脂一  
斤煎三上三下去滓入芒硝成膏每用以摩心下  
及塗臍中

治小兒血熱早食後發熱至晚則涼猪膽圓

胡黃連 宣黃連 各半兩 赤芍藥 一兩

右為細末以猪猪膽汁和成劑却入在膽皮中  
釧上用漿水煮勿令漿水入煮熟取出圓如菜苜  
大每服三十圓米飲湯下食後臨卧日三有生瘰  
癧一證亦早食後身熱頗相似但 鼻衄泄瀉宜  
審辨之

牛黃膏治小兒疳熱引飲亦治驚風温壯

雄黃 研水飛 甘草末 開恬硝 各一分

鬱金末 一錢 腦子 一錢 研 寒水石 生一兩 飛研

菜豆粉 半兩

右同為細末煉蜜和成膏每用半皂子大薄荷湯  
化下食後



治小兒裏熱頭昏頰赤口內熱小便赤大便少要微  
揆動藏府即安四順清涼飲子

又治睡卧不寧五心煩熱四肢抽掣及乳哺不節并  
寒温失度熱久連綿欲發驚癇目赤口瘡瘡疹餘  
毒

大黃濕紙裹煨熟一分生用之 常歸去須洗

赤芍藥 甘草炙各等分

右為末三歲上兒每服一錢水一盞煎至七分盞  
分二服更量大小加減食後温服

治小兒外熱要微發汗即愈惺惺散良方名桔梗散  
小兒風熱及傷寒時氣瘡疹發熱等

桔梗去芦 細辛洗苗 人參去芦 甘草炙

白茯苓去黑皮 瓜蒌根 白朮各等分

右為細末每服一錢匕水一小盞入薄荷三葉同  
煎至六分去滓温服凡傷寒温壯變蒸瘡疹未辨  
皆可服

治小兒風温體熱頭目不清紅錦散

白殭蚕去絲嘴二兩炒 天麻一兩 大南星二兩薄切作片

子油燻黃 蘇木節一兩半剉研

右為細末每服一錢水一小盞入綿少許同煎至  
五分盞去滓温服若傷風有表証發熱者於本方  
中入去節麻黃半錢同煎若有裏熱心躁煩渴者



入滑石末半錢同煎

治小兒發熱已經汗下仍熱者六神散

人參 去須

白茯苓 去黑皮

乾山藥

白朮

甘草 炙

白扁豆

右為細末每服一錢水一小盞入棗一枚擘破生薑三片同煎至五分盞通口服此藥用處甚多治胃冷加附子治風証加天麻治諸痢加罌粟殼若服之熱猶未退更與銀白散治之

銀白散

乾山藥

白朮

白茯苓

去黑皮各半兩

知母

人參 去芦

白扁豆

甘草 炙

升麻 各一分

石為細末每服一錢水一小盞入棗一個同煎至五分盞溫服無時

治小兒溫壯驚風及傷寒身體發熱或作瘡疥

身熱未解之間並宜服此升麻葛根湯

乾葛

細剉

升麻

芍藥

甘草 炙各等分

右為麤末每服二錢水一小盞煎至五分盞去滓溫服無時

治如前小柴胡湯

柴胡 去苗二兩

黃芩

人參

去芦各三分

半夏 六錢一字湯浸七次

甘草 三分炙



右為麤末每服二錢入生薑三片棗一枚水一小盞同煎至五分盞去滓溫服無時

治小兒自出腹來血氣實盛發熱不歇及食不消變蒸不解客忤鬼氣溫壯寒熱并諸驚癇悉皆主之

龍膽湯

龍膽去芦 鈎藤 柴胡去苗 黃芩

桔梗去芦 芍藥 茯神去木 甘草炙各一分

羌娘二個去翅足炙焦 大黃一分剉碎微炒千金兩處大多

右為麤末每服一錢水一小盞煎至五分去滓溫服無時

治嬰小壯熱未能服藥者粉方

寒水石 芒硝 滑石 石膏

赤石脂 青木香 大黃 甘草

黃芩 防風去骨又枚 芍藥 麻黃根各等分

右為末每用藥末三合入牡蠣粉一升細蛤粉亦可相和再羅細用以粉兒日二次

桔梗散治小兒風熱溫壯或傷寒時氣瘡疹未發並宜

服之仍兼小黑膏服尤善

桔梗去芦 細辛去苗 人參去芦 栝蒌根

白朮 甘草 川芎 白茯苓去黑皮各等分

右為末每服二錢水一盞入生薑三片薄荷三葉同煎至七分盞三歲已下兒作四服無時



小黑膏

川烏

南星

各一枚大者

右八一小瓶子內用濕紙密搭封口慢火燒之候  
火滅取出削出中心所存白處如皂子大用之  
須燒數枚擇中度者方用為末次入薄荷葉玄參  
末各五錢匕研勻煉蜜和成劑每用旋擗豆許圓  
之葱白湯下頻頻服若筋脉或緩或急加乳香同  
葱白湯下之

治小兒發熱極甚因伏留心經昏胃不省或誤服熱  
藥畜熱所致用之神效

以生梅花腦子半字或一字取新殺猪心中血一  
兩滴同研作一圓新汲水少許化下大良未省即

再服一粒

治小兒驚熱 以水磨犀角汁服之

薄荷散治小兒風熱温壯及傷寒傷風瘡疹未辨之  
間皆可服之

薄荷葉

藿香葉 去土

荆芥穗

甘松 去土

白芷

防風 去芦并叉枝

川芎

桔梗 去芦

白僵蚕

去絲嘴

甘草炙

藁本

去土各二兩

細辛 去苗  
半兩

右為末每服一錢茶調温服亦治大人風氣不順  
頭面風等疾大能清利頭目止昏眩聰明耳目



小兒衛生總微論方卷第四

驚癇論上

歎發搐

小兒驚癇者世俗之總名須分輕重也輕者但身熱面赤睡卧不安悸惕上竄不發搐者此名驚也重者上視身強手足拳發搐者此名癇也其發搐之病最為重大必有因漸亦有將發之候以明之也養小兒之家若能辨之求治於未發之前不惟易愈又不至於危殆今集欲發搐候下項

欲發搐也

身熱項強常汗出者欲發搐也

手足喜振掉者欲發搐也

搖頭弄舌者欲發搐也



也 潮熱或壯熱不歇者欲發搐也 睡中時

笑或狂語言手足搖動者欲發搐也 鼻中燥大

便小便不利者欲發搐也 髮上逆啼面暗色不

變者欲發搐也 身熱吐衄喘麤者欲發搐也

噫氣下而妄怒者欲發搐也 鼻口青喜忪悸者

欲發搐也 咬牙甚者欲發搐也 目直色赤

或青者欲發搐也 瞳子卒大異常者欲發搐也

面色青黃上竄氣急者欲發搐也 眼斜視

者欲發搐也 喉乳不和或噎乳唇舌緊者欲發

搐也 涎盛馬墜呀呷有聲者欲發搐也 卧

而不安身熱不乳數惕忪者欲發搐也 體熱口

中氣亦熱面目青呵欠頓悶者欲發搐也 掌中

赤印內青筋見怕物生涎者欲發搐也 吐利不

止厥痛時起者欲發搐也 唇口頰顯赤手足心

乍熱喜冷者欲發搐也 目痴昏悶撮口吐舌者

欲發搐也 身熱小便難或目直視或視不精昏

欲發搐也 孫真人曰小兒眠睡不穩或身熱之時見有諸小驚

之証輒紫圓微下之減其盛氣令終不病癩發搐

也月用一次甚佳 方已在前變蒸門中

已發搐

發搐之候世俗所說者多矣有言一証屬一歲一



証屬一府喬岳歌曰小兒驚候有多般不顯根源  
見病難睡裏咬牙驚入腎非時吊眼病歸肝夜啼  
到曉元因肺唇白面青一般看前後心煩四肢熱  
面紅如火向心間乾嘔吃水脾驚患脈微氣喘一  
同言漢東王氏言非時吊眼驚入肝睡後咬牙驚  
入腎夜啼到曉驚入小腸面青乍白驚入膽氣喘  
喫水驚入肺面紅臉赤驚入心五心煩熱驚入脾  
喉中鋸響驚入大腸乾嘔無時驚入胃睡中啼哭  
驚入三焦如此之類言至百種業性無據何以為  
治又有言驚發三次為癩者第一次發兩太陽左  
右青脈朝眼第二次發山根青脈見第三次發眼  
下臉連金匱青脈見又言發搐面赤指內青紋見  
者為癩又云耳後完骨上青脈如線者為癩此等  
之論亦為臆說大抵不發搐者為驚發搐者為癩  
也千金論癩証大體只分三種一曰風癩因解脫  
衣袂觸冒風邪而作其証先屈指如數乃發口中  
氣逆呵欠頓悶手足搖動治當發散二曰驚癩猛  
聞大聲或撲仆驚怖而作其証先叫啼乃發心神  
不寧不可下之下之內虛則病益盛治當安神去  
熱三曰食癩因乳哺失節或有積癖而作其証先  
不乳而吐先寒後熱乃發其証身體或溫或熱多  
睡喜唾吐逆腹脹故小兒有癖積脈大者必發癩



治當下之此三種內風驚二癇時時有之食癇者  
十中無一下之便愈詳此三種雖諸病皆能變癇  
莫不緣於風驚食之所作也又內經有云五藏  
主五畜其間發重者各見其象肝為犬癇目直視  
身反折手拳犬鳴心為馬癇張口搖頭背強硬馬  
叫一云心為羊癇目瞪吐舌羊叫脾為牛癇目痴腹滿牛叫  
肺為雞癇搖頭反折手縱搖搦雞叫腎為猪癇目  
橫身直如尸吐沫猪叫已上論癇發者乃諸書精  
要也然不若錢乙所論發搐者乃心肝二藏為病  
也其理有據而妙肝主風心主火風火相加發而  
為搐前論小兒諸病新久皆能變癇發搐者以人

有病則飲食退減脾胃不旺肝必凌之引動肝風  
肝又主掣若不得心火則不能發搐又人有病則  
氣血錯亂心神不寧引動心火心又主驚若不得  
肝風亦不得發搐也須肝心二藏相為子母俱有  
實熱風火相搏驚掣相持乃能發搐其狀亦如風  
之蕩火焰熾掣然也故肝心二藏為病之源餘藏  
雖不正主亦有相乘兼見之証及所發亦有其時  
假如錢論潮熱變發搐在早晨寅卯辰時者此肝  
用事之時也身體壯熱目上視手足搖動口生熱  
涎項頸強急此肝旺也錢治補腎瀉肝是謂補其  
母而瀉其子也發搐在日中巳午未時者此心用



事之時也心惕目上白睛赤色牙關緊急口內涎  
生手足搖動此心旺也錢治瀉心心熱退則肝母  
亦不能旺是謂子能令母虛也發搐在日晚申酉  
戌時者此肺用事之時也目微斜視不甚搐而喘  
身熱睡露睛手足冷大便黃水錢治瀉其肝心而  
補其脾發搐者心肝實為病之源故瀉之手足冷  
大便黃水者脾虛候也故補之發搐在夜間亥子  
丑時者此腎用事之時也不甚搐眠卧不穩身軀  
溫壯目睛緊斜喉中有涎大便銀褐色乳食不消  
多昏不納津液錢治但瀉其心而補其脾且心肝  
二藏為病之源今獨瀉其心而不瀉其肝者此本  
因潮熱所作發在腎用之時是腎虛心熱極甚也  
故但瀉其心熱退則肝亦平矣若更瀉肝則腎轉  
虛矣其大便銀褐色乳食不消不納津液皆脾衰  
之証故補其脾也已上四藏分主十二時脾藏為  
兼見之証此潮熱發搐治則惟瀉心肝者蓋二藏  
俱實為病之源故也其肺臟有虛實之証見虛則  
補見實則瀉况發搐是心火旺所作而肺金實証  
亦罕惟偏搐者有之外腎藏但主虛而無實見其  
虛則補之內經有云虛則補其母實則瀉其子先  
補其母後瀉其子子能令母虛母能令子實錢乙  
論此發搐元由為治次第乃謂得聖人之經旨深



意也可謂出群拔萃矣今更以錢論三事參之一者發搐逆順二者發搐陰陽三者發搐真假及各於逐項之下以錢治法為証後學之士將此三事參推五藏審別形候察其虛實觀以時刻依法為治則小兒發搐之病無以外也

### 發搐逆順

男發左搐或手大指屈外或目左視無聲者順也若發右搐或手大指屈內或目右視○有聲者逆也女發右搐或手大指屈內或目右視無聲者順也若發左搐或手大指屈外或目左視有聲者逆也順者相勝也左肝為木右肺為金一負一勝故無聲也逆者戰也二藏俱實木金相擊故有聲也順者易治逆者難治男逆稱易女逆極難更當參其發時以補瀉為治昔錢乙治李寺丞子三歲發搐自卯至巳日右視大叫哭乙見曰逆也男為陽本發左視無聲則順右視有聲則逆所以然者左肝木也右肺金也逆則二藏相戰金木相擊而有聲也治乃瀉強補弱假令女發 搐目左視是肺來勝肝肝不能任故叫哭也當瀉其肺後治其心續治其肝若病在秋日西時肺兼旺位當大瀉其肺若病在春早暝此肝旺之時尚不能勝肺是肺強而肝大弱也當補其肝腎 大瀉其肺若男發



搐目右視是肝來勝肺而叫哭當瀉其肝心若病

在春夏早晨日肝心旺時當大瀉其肝若病在秋

日補此肺旺之時尚不能勝肝是肝強而肺極虛

也當補其肺大瀉其肝所以言目反視者乃肝主

目也凡搐則是風熱相搏於內風屬肝故引見於

目也今此病男反女故稍易治於女也先瀉其肺

不悶亂以知肺病退也後補其腎續治其肝心五

日而愈乙又治徐氏子三歲每日西發搐身微熱

目微斜露睛四肢冷而喘大便微黃請乙與李一

醫同治乙問李曰病搐何如以何藥治之李對不

當乙曰搐者心肝實也身微熱者日西肺用事之

時肺主身溫今且熱者肺虛也目微斜露睛者肝

肺相乘勝也四肢冷者脾虛也肺若虛甚則脾母

亦弱木氣乘之四肢即冷治當先補脾肺得脾虛

証退然後治其心肝九日乃愈此亦逆搐肝肺相

勝目斜者必當右視也今舉此以明逆順為治之

法爾

發搐陰陽天吊附陽搐脾風附陰搐

小兒發搐為急慢驚者古書無有惟曰陰癇陽癇所

謂急慢驚者乃後世名之也以陽動而速故陽搐

曰急驚○陰靜而緩故陰搐曰慢驚此陰陽驚癇

發搐之別也陽搐者身大熱面赤引飲口中氣熱



大小便赤黃眼上視連劄手足搐急牙關緊噤項背強直涎潮響此因心熱極則生風風屬肝心肝子母風火搏熾動而發搐也及其發定則了然如故此陽盛陰虛治當利驚以除風熱不可與巴豆駛藥大下之恐畜虛熱不消小兒痰壅積熱於心因聞大聲或誤驚觸則動而發搐若熱極者雖不因聞聲驚觸亦自發搐小兒本實者多此候也天吊附小兒心高壅滯涎盛熱積不得宣通或因母飲酒食肉無度致煩毒之氣流入於乳因以乳兒令兒宿滯不消熱毒乘心發為驚搐眼目翻騰壯熱不休甚者爪甲皆青狀若神祟俗謂之天吊此

非天能吊人以其眼吊上視故取意名之况小兒發搐未有不眼上者實亦陽搐之候也治宜去涎熱昔錢乙治廣親宅七太尉子八使發陽搐自寅至午於未發前錢乙見其目直視而顯赤此心肝俱熱更坐石杓子就冷此熱甚也又肌體素肥而本實其脉急促發搐自寅至午皆心肝用事之時治乃瀉其心肝而補其腎病遂得愈此亦瀉強補弱也陰搐者身溫面眊白手足似搐不搐但時時瘳瘳昏昏似睡而無精神眼露睛微上視或胃痛而啼作鴉聲或不能啼哭唇口白色脉沉弱此因大病之後或吐瀉過甚致脾胃虛損而生風



在苒乃成此陰盛陽虛治當補其脾胃瀉去肝風  
小兒虛弱雖不因吐瀉取轉直發陰搖者亦有之  
本怯者多此候也慢脾風附小兒因傷風冷或病  
吐瀉醫以溫藥補之不已復用涼藥治之又不已  
本謂傷於風冷醫亂治之致脾虛而內不能散外  
不能解至十餘日其証昏睡露睛大便不聚而瀉  
此脾虛風入風在脾胃之間故大便不聚而瀉時  
瘈瘲身體四肢口鼻中氣皆冷小兒亦有困驚所  
傳或諸病久變見此証者皆因脾胃虛怯而生風  
所為也故俗謂慢脾風矣實乃陰搖之危候治當  
去脾間風風退利止以補脾胃昔錢乙治王氏子

病吐瀉他醫以藥下之至虛變陰搖其候睡露睛  
手足瘈瘲而身冷乙見曰此慢驚也與藥以實脾  
胃即開目身溫王疑其子不大小便又令他醫以  
藥利之而復身冷尚欲令乙利小便乙曰不當利  
利之必身冷王曰已身冷矣乙曰不能食而胃中  
虛若利大小便使脾腎俱虛當閉目身冷即死今  
此兒幸胎氣實而難衰乙復補脾胃則微能飲食  
所以然者謂利大小便脾胃虛寒當補脾而不可  
別攻也後不語他醫作失音治乙曰既失音何開  
目而能飲食又牙不噤而口不緊他醫不能曉乙  
曰此因用清藥利小便致脾腎俱虛今脾已實腎



尚虛故也遂以藥補腎及依法為治半月能言一月而痊

### 發搐真假

真者兒在母胎中時血氣未全精神未備則動靜喘息莫不隨母母調適乖宜喜怒失常或聞大聲或有擊觸母驚動於外兒胎感於內至生下百日以來因有所犯引動其疾則身熱吐衄心神不寧睡眠昏騰躁啼無時面青腰直手足搐搦口撮頭縮目瞪氣冷或眼閉膠生或瀉青黃水是胎癇也是內藏感病發為真搐然亦發稀而難治不過三兩次必死矣假者兒生出母腹百日以來肌膚嫩怯血氣軟弱被外風傷之入客於內每遇則兒不能任故發搐搦口中氣熱呵欠嚏噴此風癇之候重者亦不呵欠嚏噴與胎癇相似然發頻者輕輕則易歇故也治當發散昔錢乙治李司戶孫生百日來發搐日三五次請衆醫治或作熱天吊或作胎驚或作驚癇治皆無應後請乙治乙曰嬰兒初生肌骨嫩怯被風傷之兒不能任故發搐也然頻發者輕以客風在內每遇不任即搐輕則易歇故發頻也搐稀者是內藏發病不可救也乙用微劑以散風邪兼塗顛浴法治之乃愈仍不可多服蓋兒至小易為虛實多即生熱止一服而已兼用封



浴無不效已上錢乙所用方並本集載之

驚癇雜論

凡小兒急驚雖搐甚不用忙擾亦不足畏慢驚雖微搐切當救乃危候也方搐之時但與扶持慎勿擒捉蓋風氣方盛恐流入筋脉致手足曲戾不隨或成拘攣

凡小兒急驚關孝忠云當其搐勢減時與鎮心治熱藥一二服如麝香圓抱龍圓辰砂圓紫雪之類候驚勢已定用藥下其痰熱如麝香圓軟金丹桃枝圓之類如此則心神安寧即愈

凡小兒慢驚若因吐瀉已成虛損者關孝忠云當與速生胃氣以理中並研金液丹末煎生薑粟粥調灌之多服乃効候胃氣生手足漸煖四支猶然瘳癈即減金液丹一二分增青州白圓子一二分同研如上服漸漸以意減金液丹加白圓子兼用異攻散羗活膏鈎藤飲之類調理類之與粥雖至危者徃徃死中得生

凡小兒急慢驚陰陽異証切宜辨而治之急驚合用涼藥慢驚合用溫藥世人多用一藥不能分別誤小兒多矣殊不知藥性自有溫涼豈可泛用初虞世謂治陰陽癇寒溫藥性當於方中用時增損則無失矣又關孝忠言慢驚藥中宜去龍腦縱須



合用必以溫藥為佐或少少用之性涼故也  
凡小兒於天陰雷發聲之時必掩塞其耳或作雜  
聲以亂之恐猛聞大聲而發搐

凡小兒發搐時醒而身軟者為癇若發搐不時醒  
身硬者為疰又名曰癎乃中風之候論在中風門

凡小兒驚癇洩瀉等諸病煩渴者皆津液內耗也  
不問陰陽煎錢氏白朮散使任意取足飲彌多彌  
好

凡小兒驚癇藥中能不用水銀輕粉者尤佳如不  
得已而用之僅去其疾即上蓋小兒腸胃易損亦  
傷口齒今所集之方多不用銀粉如須用之者當

依此酌量減損

凡小兒欲生瘡疹有發搐者當從瘡疹為治餘諸  
病有與驚癇相兼可以一方為治者依法用之若  
不可以一方為治者則各用所主藥相兼治之

凡小兒驚蟻娘為治第一世醫多不學未見有用  
者若用之須擇不傷水者傷水即不堪用去其頭  
翅足炙令焦乃入藥

凡小兒吐瀉後精神困頓多睡不吃乳食四肢逆  
冷欲變成癇者以神麴為末入腦麝各少許溫水  
調服若已成癇哭如鴉聲面色青黃手足瘳癱咽  
中不利更入硃砂同末服之若變癇滑利者以麴



末蜜圓如鷄頭大溫水化下  
又一方麴末一兩琥珀甘草各二錢硃砂雄黃各一  
分同末蜜圓如鷄頭大名為太乙丹治小兒百病

小兒衛生總微論方卷第四

小兒衛生總微論方卷第五

驚癇方下

治驚欲發搐方

定心膏治諸熱安心神截驚癇欲發

生葛根

取汁半合如無生者乾葛細  
剉水浸一宿慢火熬去汁

竹瀝

半合依  
法旋取

大麻仁

一分三味  
研

萊豆粉

一兩  
別研

硃砂

半兩  
研飛

牛黃

一錢  
研

麝香

一錢  
研

右同和如稀更入少萊豆粉相拌得所石臼中碎  
二二百下成膏圓鷄頭子大每服一九煎入麥湯  
化下量大小增減用無時

琥珀丹治如前



琥珀

研一兩

白僵蚕

去絲紫炒

天麻

二兩

臘月半膽治天南星

二兩

白附子

半兩

香白芷

半兩

硃砂

二兩

龍腦

二錢

右拌勻煉蜜圓如鷄頭手大每服一圓煎人參湯

荷湯化下量大小增減用無時

生葛飲子治熱極不已欲發驚癇

生葛汁

竹瀝

牛黃

如杏仁許別研

右相和每服半合量大小與之無時

鈎藤飲子治發熱時時戴眼口吐涎沫欲發癇搐

鈎藤

半兩

炸單

七枚

人參

一分

黃芩

大黃

右麤末每服一大錢水一盞煎至六分入竹瀝半

合再慢煎數沸下牛黃一小豆許細研入之攪勻

放溫量大小與服得微汗為妙乳母忌蒜麪炙博

之物

治小兒心胃積熱毛焦睡中狂語欲發驚

硃砂

半兩

牛黃

六分

右同研如粉每服一錢摩犀角水調服量大小與

之無時

參苓散治小兒忽作驚狀目上視手足強未可服驚

藥宜先與此服之

人參

去芦

茯苓

去黑皮各半兩

甘草

一分



右為末每服一錢温湯調下食空服

茯神散治小兒煩熱心悸手足搖動欲發驚癇

茯神去心内木

龍齒研細

牛黃別研

犀角屑各半

寒水石一兩

石膏研細

川大黃一錢

右為麤末每服一錢水一盞煎至五分去滓入竹

瀝半合更煎一兩沸量大小與服無時

辰砂金箔散治小兒心驚邪熱神志不寧悸惕煩渴

睡卧不穩弄舌齧齒痰實欬逆咽噎不利欲發驚

癇

辰砂七錢研

桔梗去苦五錢

人參去芦二錢

白茯苓去皮三錢

蛤粉八錢

牙硝枯三錢研

甘草二錢半炙

腦子半字

金箔二片

右為細末百日已下兒用半字至一字薄荷水調

膏塗舌上令自嚥百日上兒或大便澁者蜜湯調

一字與服一歲上者半錢咽喉腫痛口舌生瘡者

以少許摻病處嚥津必效

牛黃散清心涼膈截驚癇欲發已發

牛黃半兩細研

硃砂一分研水飛

麝香一分別研

蝎稍一分半

天竺黃一分

鈞藤一分半

右同拌研勻每用一字新汲水調下無時

雌黃圓治眼直惡聲嚼舌吐沫欲發驚癇

雌黃一兩研水飛

黃丹一兩微炒

麝香一錢研



右同研細用牛乳半升熬成膏和劑圓菜豆大每服三圓溫水下日三如無牛乳用羊乳亦得

急風膏利骨高清心神截欲發已發驚癇

硃砂半兩研 天漿子十四個微炒取重去壳為末

膩粉一錢研 青黛一分研 乾金蝎十四枚為末

右拌研勻細入龍腦細末半錢再同研勻用軟飯劑成膏圓皂子大每服一粒煎人參荊芥湯化下

無時

消驚膏治小兒風熱涎盛截除驚癇安鎮心神定寧

搐搦利萬院去壅滯

龍腦半錢 硃砂研水飛 天南星 白附子生末

天麻末 蝎稍末 半夏湯洗淨生為末各二錢

水銀結砂子 膩粉各一錢

右同勻細用石腦油盞內重湯煮過搜和藥末為劑圓如黑豆大每服一二圓薄荷湯化下更量大

小加減服無時

神效硃砂圓治小兒溫壯驚風積熱一切壅滯能化

痰清神利高消驚截搐

硃砂研細水飛 膩粉各一分 連六全竹泊七片

乾蝎十個全者 天麻一分 白附子一分炮

半夏湯洗七次去滑焙乾一分 白僵蚕炒去絲紫一分

右同為細末研勻煮棗肉和如小豆大每服二圓



煎荊芥薄荷湯化下無時

剪刀股圓治小兒驚風欲發未見的証但先服一圓無不消退用之常驗

五靈脂

去砂石一分

乾蝎緊小全者

龍腦

別研半錢

乾蟾

淨洗去五藏四足慢火炙令黃色一分牛黃別研細一錢

蛇黃

大癩醋淬七次別研如粉

白僵蚕

直者去絲蟄畢微炒用

天竺黃

別研半兩

朱砂

研錢木飛

麝香別研半錢

右順手研令極細糊圓櫻桃大每服一圓金銀薄荷湯以剪刀股研化服之三歲下者只半圓無時治風腐方

蝎娘散治小兒風癩發搐

乾蝎娘

三分微炒

天麻

半兩

防葵

半兩

歲靈仙

半兩洗焙已上先為末

川芒硝

天竺黃

各一分二味同研細

右同拌勻為散每服一字或半錢乳香湯調下量大小加減與服無時

麻黃蝎稍散治如前

麻黃

云根節半兩

蝎稍

十四箇

右將二味碎之用薄荷葉裹遍外更用紙裹了於水蘸濕慢火中煨紙及葉乾透取出為末每服半錢金銀薄荷湯調下無時  
芎藭散治風癩多困不省

川芎

犀角屑

獨活

去芦各半兩

蝎稍



人參 去芦 天麻 各半兩

右為細末每服半錢温酒調下無時

葱湯圓治風癩發搐痰盛壅熱

天南星 炮裂為末炒 蝎稍 一分微炒 半夏 一分湯洗七次

寒水石 煨熟為末一分 朱砂 半錢水飛 僵蚕 炒去絲嘴一分

右為細末麵糊圓菜豆大燒葱白泡湯送下三五

圓量大小加減無時

人參化風膏治風癩發搐涕效無時

天麻 一兩酒浸 全蝎 十四個微炒 僵蚕 去絲嘴微炒

人參 去芦 川芎 白附子 各半兩 羌活 芦

獨活 去芦 防風 去芦并叉枝各一錢

右為細末煉蜜圓如皂子每服一錢

下量大小與之無時

治小兒風癩

以鼈甲去裙爛炙黃杵末每服一錢乳汁調服之

或以蜜和圓如小豆大服之亦可無時

雞蘇散治小兒風癩

雞蘇 木賊 荆芥

右各等分為細末以茶清調下半錢或一字無時

皂莢煎圓治如前

肥嫩不虫皂角 十錢去皮穢以水二大碗按汁至滓無味將汁

熬成膏別頓 靛丹 不拘多少於靛斗內簇熟炭火煨至炭過吹去其灰



右研號丹為細末量其所用入皂莢膏和劑圓葉  
豆大每服五七圓溫湯送下乳食前  
榴梅散治如前

以大石榴一枚割頂去子剝作甕入全蝎五個在  
內却以頂蓋之紙筋搥黃泥封裹了先用微火灸  
乾漸加大火煨通赤良久去火放冷去泥取其中  
焦者細研為散每服半錢乳調下搗者服之便定  
不會服者灌之兒稍大用防風湯調下無時

天青膏治風癩發搐

青黛一分研 麝香一字別研 天麻末分  
白附子未生一錢半 蝎尾去毒 硃砂半錢研水飛

烏蛇肉酒浸一宿去骨焙取末一錢半 天竺黃五分

右為細末和勻生蜜劑膏每用月中兒粳米大百  
日兒半皂子大一歲兒一皂子同牛黃膏溫薄荷  
水化開一處服之五歲上者同甘露散一處服之

牛黃膏

雄黃小棗大一塊用獨散蘿蔔根同醋一大盞煮至醋盡為度

甘草三錢 川甜消三錢 硃砂末半錢別研水飛  
龍腦一字 寒水石五錢末並炒

右為細末研勻蜜和劑溫薄荷水化如前法服之  
無時

甘露散一名玉露散



寒水石

半兩嫩而帶青中有細支者是

甘草生一分

石膏半兩堅白者有墻壁者

右同為細末每服一字半錢溫湯調下食後

治驚癇方

蟬殼散治驚癇熱盛發搐

蟬殼

去土半兩微炒

人參

去土半兩

黃芩一分

茯神一分

升黃

一分已上細末

牛黃

一分別研

天竺黃一錢研

牡蠣粉一分研

右同勻細每用半錢煎荊芥薄荷湯調服無時

鎮心膏治驚癇發搐熱盛悶亂

遠志

甘草水煮志一兩

防已

半兩

茯神

去心內木半兩

人參

去芦半兩

大黃

半兩微炮已上細末

辰砂

研飛二兩

雄黃一分研水飛

金箔

三片細研

銀箔

三片細研

龍腦一錢細研

右拌勻煉蜜和膏每服一皂子薄荷湯化下無時

金銀丹治驚癇發搐安神定志解煩熱化痰涎

羌活

去芦

人參

去芦

茯苓

山藥

南星

蛇黃

火煨醋淬七次別研各一兩

腦子一錢

乳香一分

全蝎一分

蟬殼

去土

鐵粉

各半錢

硃砂

半兩為衣

右為細末麵糊和圓作二三等圓子隨大小量圓



數服無時

安神湯治驚癇搐搦精神傷動心意不寧

白茯苓 一兩 白鮮皮 一兩 菖蒲 一兩九節者

人參 去芦一兩 遠志 甘草水煮去心一兩 石膏 半兩研

甘草 一分 犀角末 一分

右為細末每服一錢水一盞去心麥門冬少許煎至五分去滓放溫時時與服

鎮驚圓治驚癇發搐中焦壅熱痰盛

茯神 去皮及心兩木 人參 去芦 防葵 鐵粉 研

硃砂 研水飛各半兩 雄黃 研水飛 犀角屑 龍齒 研

大黃 蒸各一分 牛黃 研 龍腦 研各一錢 金銀箔 各一錢

右為細末煉蜜和圓小鷄頭大每服半圓或一圓

薄荷湯化服量大小加減無時

治食癇方千金用紫圓方具前變蒸門中

真珠圓治食癇發搐

滑石末 三錢 輕粉 三錢 乾蝎 七個 南星 末二錢

巴豆 四十個去皮去油盡用 半夏麴末 二錢 麝香 少許

右為末蒸餅和圓菜豆大一歲下者一圓上者二

圓葱湯下乳食前

蚬螂散治食癇發搐身熱眼上赤

乾蝎 白附子 朱砂 各二錢 研水飛 膩粉 半錢

巴豆 二十四個去皮膜出油一云不出油研 天漿子 三個去壳



麝香 一字

右同研細每用一字薄荷湯調下量大小虛實加減乳食前

大青圓治食癩發搐及有驚積許宣贊方

青黛 炒五錢

蜈蚣 一對全者微炒

蝎 二上個全者微炒

巴豆 二十一個去皮心膜出油及用

右為末用鵝梨汁煎菜豆粉作糊和圓豌豆大每服一圓酒一匙水一匙薄荷汁少許同化下食癩或急驚發搐服之立効乳食前銀湯圓治如前

天南星 醋煮透切焙乾為末炒一錢七 棘岡子 十四個去壳

巴豆 十四個去皮心出油及

雄黃末 炒一錢七

蝎稍 十四個

朱砂末 五分

右為細末煎薄荷湯調麵作糊圓如黍米大每服五圓煎金銀湯下乳食前更量大小加減妙聖丹治食癩發搐利胃萬

蝎稍 四十九個微炒

木香 一分

代赭 火煨醋淬十次一分

牙硝 一分

大黃 一分炮已上先為末

膩粉 半分析

朱砂 半兩研水飛

麝香 半錢別研

腦子 半錢研

巴豆 七個去皮心紙裹出灰油

右為細末滴水和圓黍米大每服三五圓沉香湯下乳食前



蟾酥丹治食癩毒盛湯藥不下

蟾酥一分 真珠末一分 甘遂一分 慢火煨黃

牡蠣粉一分 犀角末一分 巴豆七個去皮心出油冬

杏仁一分 麝香一分 麝香一分 研

右拌研勻細糯米飯和圓黍米大每服三圓煎荊芥湯放溫送下量大小加減乳食前

靈朱圓治食癩乳食不消心腹壅滯四肢抽掣

五靈脂去砂石 朱砂研水飛各一分 巴豆五枚去皮心研紙裹去油

右同研細如粉燒粟米飯和圓黃米大一二歲兒溫水下二圓取或利或吐效更在量大小加減服之乳食前

三癩丹治癩証發未能分辨皆可治之

黑錫一兩水銀半兩二味同結沙子研極細 蝎稍半兩 木香半兩

天南星半兩炮熟 僵蚕去絲黃半兩炒黃 人參去蘆半兩

半夏半兩湯洗七次 防風去蘆并叉枝半兩

右為細末石腦油半盞研極細入麝香一錢腦子半錢各研細與眾藥末拌勻黍肉和圓黍米大每服三五丸至十九煎荊芥薄荷湯下無時

治五歲五畜癩方

治肝病犬癩 伏日取犬齒水磨汁服

又方 取犬額骨為末服

治心病羊癩 三月三日取羊齒水磨汁服



又云心病馬癩

取馬齒水磨汁服

又方

取馬毛燒灰為末水服一云馬蹄

治脾病牛癩

取牛齒水磨服烏牛齒最佳

又方

取白牛屎中豆服之

又方

燒蹄末服

又方

取牛鼻中木燒灰服

治肺病鷄癩

取白鷄腦水調服

治腎病猪癩

五月五日取猪齒水磨汁服

又方

取猪乳服

五色圓治五藏五種癩並主

朱砂

半兩研水飛

水銀一分

雄黃

二兩研水飛

真珠末

一兩令研極細

鉛

三兩同水銀熬

右為末煉蜜和圓麻子大每服三四圓煎金銀薄

荷湯下無時

露蜂房散治五種疾發搐口吐涎沫

露蜂房一兩洗淨焙乾

石菖蒲

一兩九節者良

桂心半兩

遠志

甘草水煮去心半兩

人參

去芦半兩

牛黃一分研

杏仁

湯洗麩炒上度尖研一分

朱砂

一分研水飛

右同為細末每用半錢麝香湯調下無時

治偏搐方

雙劍金治驚癩偏搐

赤足蜈蚣一條

紫色大螳螂一個



右嚙至乾以利刀當脊分切作兩畔各逐左右別  
研為細末不得交錯各用貼子盛之於貼子上號  
記左右遇其患者每用一字許鼻內任搗之左治  
左右治右俱搗者任右則右住任左則左住左右  
任皆住

### 雙金散治如前

右以蜈蚣一條大者去頭定尾用真酥塗慢火上  
炙黃置粘子面南用快竹刀子當脊縫中停利作  
兩半用兩貼子號記左右字不得交差差則誤矣  
又以麝香一錢亦分左右兩處先將左分一半在  
左字貼內與蜈蚣同研作細末却入左字貼內盛

訖次將右分一半入在右邊貼內與蜈蚣同研作  
細末却入右字貼內盛訖不得相犯每遇病者眼  
睛吊上止見白睛搗搦不省不能出聲者用細箒  
筒子置藥少許在中隨搗者左右鼻孔中吹之用  
藥不可多若眼吊全未下即漆 此小以意度量  
其眼随手便下搗亦便止餘同上法二方相犯  
保壽散治驚癇偏搗

雄黃 研細水飛  
茯苓 去黑皮人參 去芦各分  
朱砂 半兩  
研飛

牙硝 二錢

右細勻每用半錢熱水調下一歲用一字無時  
治陽搗急驚方



軟紅膏治急驚潮搐涎盛

天南星 一兩生為末 朱砂 半兩研水飛

水銀 一分用真石腦油半盞同研細 乾蝎稍 四十九個為細末

右拌勻入腦麝各一錢再研棗肉和劑入石臼中  
杵三五百下圓如皂子大每服一圓煎薄荷湯化  
下神驗無時

朱粉丹 又名鶴頂丹 治急驚壯熱吐涎發搐

朱砂 半兩研水飛 膩粉 一分 蝎稍 半兩微炒

巴豆 七個去心皮膜出油盡用一方只用五個

右為細末糊圓黍米大每服三兩圓煎桃仁湯下  
一方無巴豆但作散每服半錢湯使如前無時

白圓治急驚化涎定搐

黑鉛 一分 水銀 一分二味同結砂 天南星 一分炮烈

白附子 一分炮烈 乾蝎 一分微炒 天麻 一分

蟬殼 去土一分微炒 麝香 一錢研 牛黃 一分研

右為末勻細糯米飯和圓黍米大溫酒下三圓量  
大小如減服無時

天漿子圓治急驚發搐

天漿子 古個有虫者去壳 牛黃 一分別研 麝香 一錢研

白附子 一錢炮烈 犀角末 一分 半夏 一分湯洗七次

蟾酥 一錢 猪膽 一個

右為細末入猪膽汁和劑如汁少入少麵糊圓黍



米大每服三五圓薄荷湯下無時

朱砂散治如前

朱砂一分研水飛 臙粉半錢 麝香半錢研

盧會二錢別研 胡黃連一錢 蝎梢七個 白附子二

金箔七片 僵蚕十個去絲紫炒 赤足蜈蚣一條炙

甘草二錢炙

右為細末二歲上兒半錢匕已下者一字金銀薄

荷湯調下三歲上者一錢匕如口噤不開灌入鼻

中無時

白金散治如前

天南星一兩大者四破之 朴硝一兩半 白礬石一錢

甘草半兩

右為籠末用水五盞慢火一處煮水盡為度焙乾

為細末入硃砂末乙錢拌勻每用半錢煎金銀薄

荷湯放溫調下無時

七寶牛黃圓治急驚目睛上視手足發搐

朱砂水飛 粉霜別研 輕粉雄黃 研水飛各一錢

牛黃半錢別研 腦子一字研 麝香一字研

右為細末糯米粥和圓小豆大二歲下兒半圓上

者一圓金銀薄荷湯磨化服之月內兒一圓分四

服百日者分三服看兒大小壯怯及病勢輕重以

意加減無時



水銀圓治急驚痰壅發搐悶亂口噤

水銀一分八素肉少許同研至星末膩粉一分研南星一分泡烈

乾蝎一分微炒

右為末再用棗肉和圓黍米大每服五七圓乳香湯下量大小加減無時

小朱砂圓治急驚發搐痰壅

朱砂研水飛 巴豆三十個去心皮膜出油令尽

半夏湯洗七次焙乾為末抄二錢 杏仁五個熱灰內炮過湯浸去皮尖炒黃

右為細末麵糊和圓黍豆大二歲兒一圓荆芥薄荷湯下三歲加一圓五歲者三圓如有驚在內者利動至病盡藥圓乃出如無驚者藥不下也甚妙

而穩乳食前

至聖膏治急驚發搐手拳緊多睡啼叫煩熱萬實

朱砂一分水飛 天南星膈片牛膽製用半兩 鐵粉一分水

蝎稍十四個 續隨子去皮甲九個 腦麝各少許

右為細末煉蜜和圓黍豆大薄荷溫湯化下一圓如涎多加輕粉半錢更量大小加減無時

牛黃散治急驚搐搦壯熱萬壅痰盛

乾全蝎七個 巴豆二粒去皮 輕粉半錢 雄黃二錢

川蔚金一分判用皂莢半錢採汁煮過炒至乾用 朱砂二錢飛

右為細末入腦麝各少許每用一字薄荷湯下或得吐瀉或得睡汗皆愈如牙關閉即先用藥搽開



然後服之開喉方在後  
蚬蚶散治急驚風潮搐

以全蝎中、緊實者去尾尖上薑炒焦為末每服  
一錢濃煎防風湯調下予相識王宣教常循理一  
子病驚搐得此方治安渠恐再發遂與常服之妙  
選同與烏蛇散相間服之尤佳

四聖散治一歲至五六歲兒急驚潮搐

天漿子 一枚去壳 朱砂 二豆許研水飛 全蝎 一枚

麝香 一小豆大

右同研膏每服少許薄荷溫水化下無時

治小兒卒得急癇

甘草 炙各半兩

取二合分八服

天漿子 三圓去壳 乾蝎 朱砂

右同為末軟飯和圓粟米大每服二圓荆芥湯下  
不計時更量大小加減

又方治如前

以全蝎一枚薄荷四葉裏合火上炙令薄荷葉焦  
同研細末分作四服溫湯調下亦治大人風涎只  
作一服無時

治急驚發癇迷悶不省嚼舌仰目瘈搐



以真牛黃一大豆許研細和蜜水服之  
以犀角末半錢匕溫水二合分服

以真熊膽二大豆許以乳汁或竹瀝服之能去心  
中涎即愈

以虎睛研末以水調灌之量大小與一方用一豆  
許炙乾研末猪乳三合和之綿纏蘸浸與兒吮之  
頻頻以多為佳

治小兒卒驚似有痛處而不知疾狀  
以刺雄雞冠血滴少許入兒口中

治小兒初發驚搐狂熱痰壅嘔吐不止  
蝎一枚炙焦麻黃一尺不去節薄荷四葉炙焦

右為細末量大小用藥以水六分煎一呷溫服

牛黃膏治驚風邪熱痰盛壅時發潮搐痰嗽不時  
上視咬牙服之退驚化涎

涼馬鎮心祛邪止嗽美進乳食

牛黃別研人參去芦各二錢甘草炙二錢牙硝枯

朱砂研水飛各半錢雄黃一錢半水飛蛤粉三錢半

金箔一片銀箔一片龍腦少許

右為細末煉蜜和劑每九錢重分作一十圓以金  
箔為衣每服一圓溫薄荷水化下乳後

天吊附

治孩童天吊癩搐



以東行棗根取汁與服亦能傳鵝口瘡  
保生圓治天吊搗搗壯熱藏府壅滯

蝎五枚生 天南星一枚炮烈 巴豆七枚去皮心

右於清明時初夜將藥露北極下一宿明旦杵羅  
為末以豉四十九粒口含不語津潤至脫去皮研  
爛和圓黍米大隨年圓數溫水下乳食前

治天吊脩急金頂法

川烏末一錢生 芸薹子末二錢生

右用新汲水調塗貼頂上立驗一方用稀糊調塗  
顛上

一字散治天吊眼上能退風爽神

大天南星半兩微炮烈 蟬殼去土一分微炒

乾蝎一分 殭蚕去絲背一分炒

右為細末次入蕎麥麵二分用酸石榴一個去穰  
子留殼將諸藥入在內盪泥封裹於竈內慢火燒  
至泥乾燥為度取出再研極細每服一字溫酒調  
下無時

蠹魚膏治天吊目睛上疔手足唇口搗掣

右以壁魚兒乾者十個濕者五個用乳汁相和研  
爛再入乳汁少許灌之

琥珀散治天吊驚風發搐

琥珀末一分 真珠末一分 朱砂末一分 鈎霜半分



赤芍藥 末一分半

右拌勻每服一字煎金銀薄荷湯調下無時

殭蚕散治天吊目上視發搐

白殭蚕去絲背炒半兩 馬牙硝半兩 蔚金半兩

乾蝎半兩

每為末每服一字乳汁調下急者服半錢無時

治陰搐慢驚方

犀角散治吐瀉變慢驚發少癇

犀角屑一錢 白朮二錢 小麥甘草半兩 橘皮半兩

右為細末每服半錢水盞入金銀薄荷煎至七

分溫服連進三服無時

銀白散治吐瀉生風發慢驚癩癧此藥化涎醒脾去

風

右用大天南星一個重一兩者換酒浸七伏時取

出置新瓦上周圍以炭火炙令乾烈頓於地上去

火毒用礮器合之候冷取出杵羅為末次入朱砂

細末一分拌勻每服半錢荊芥湯調下平辰午前

各一

青金膏治因吐瀉變慢驚癩癧

烏蛇肉一分酒浸一宿焙乾 蝎稍一分 天麻一分

白附子一分 大附子一分炮烈去皮臍 青黛一分研

麝香錢研 天竺黃一錢研



右為細末入研藥拌勻煉蜜和膏圓皂子大煎入  
參薄荷湯化下量大小與服無時  
睡驚圓治慢驚身熱癩癧昏憤

朱砂末一錢水飛 香墨末一錢 青黛末一錢

盧會末一錢 膩粉一錢 龍腦半錢別研

使君子一個去壳為末

右拌勻細寒食麵作糊和圓桐子大薄荷湯化下  
一圓無時

附子散治慢驚身冷癩癧昏困保生名辰砂散

大附子一枚重九錢上片生用去皮及膽 天南星二錢用生

半夏沸湯洗七次用二錢 白附子一錢半 朱砂一錢半

麝香一錢研

右為末同勻每服一字薄荷湯調下無時  
羌活膏治脾胃虛而生風或因吐利或取轉過度發  
為慢驚

羌活去芦 川芎 人參去芦 白附子炮

赤茯苓去皮各半兩 天麻一兩 僵蚕去絲絹酒浸炒

乾蝎去毒炒一分 附子炮去皮臍二錢 白花蛇酒浸肉炒乾秤一分

防風去芦并叉枝二錢 牛黃研一錢半 麻黃去根節

肉苳蔻麵裹煨 藿香葉去土 沉香 雞舌香半

木香各二錢 真珠末研 麝香各一錢半 輕粉一字研

腦子半字研 雄黃研水飛 辰砂研水飛各二錢半



右為細末同勻煉蜜和劑旋圓如大豆許每服一圓薄荷湯或去心麥門冬湯下一二圓量大小加減若急驚者勿服此藥性溫故也服之無時溫白圓治脾困瘦弱或因吐瀉或久病成慢驚身冷瘕瘕

天麻半兩 僵蚕炒去絲鬚一分 白附子生一分

乾蝎一分去毒 天南星湯洗七次剉碎一分

右為細末以湯調食麵作糊圓菜豆大圓了頓寒食麵中養七日畢取而用之若急用未足日數亦可用每服五七圓至一二十圓量大小加減生薑米飲下空心服者病勢漸加圓數多與服妙

鈎藤飲子治陰癇多昏睡手足冷時瘕瘕直視不乳

鈎藤鈎子三分 僵蚕去絲鬚炒 川芎 甘草炙

蟬殼去土并頭翅是矣 蛇蛻炙焦黃各一分 蟻娘三個去頭翅足矣黃

右為末每用二錢水一盞生薑五片煎至七分去滓量大小與服小者分三四次與服不會服即灌之若審是陰癇的當用藥末二錢入炮過附子碎用指面許依前煎之溫服日三夜一急驚不用附子服之無時

七聖圓治陰癇休虛羸瘦多困

烏蛇酒浸軟去皮骨只取肉用 蝎稍 白僵蚕炒去絲鬚

青黛 白附子各一分 蟻娘五個去頭翅足矣今焦



蟾酥 二皂子大

右為細末煉蜜圓桐子大如遇病者先以半圓湯泡薄荷水化開灌兒鼻中如得嚏則可醫以金銀湯化下一圓日二三若灌藥不嚏難治服之無時

天漿子散治陰癩昏困多睡時時瘰癧

天漿子 三個去壳用虫 白殭蚕 三個微炒 乾全蝎 三個微炒

右為細末每服一字煎去根節麻黃湯調下日三得汗出為效服之無時

七神丹治陰癩面青口噤喉內涎吼手足瘰癧搐搦

硃砂 研水飛 牛黃 研 羌活 去芦各一分 天南星 半錢

麝香 一錢研 蝎尾 炒 殭蚕 去絲黃炒各七個

右為細末以熟棗肉和圓菜豆大薄荷湯下二三圓兒小化服亦得無時

天南星煎圓治陰癩慢驚瘰癧

天南星 一兩細剉水二盞慢火熬至半盞去滓再煎成膏

白附子 半兩炮烈 天麻 一兩 乾蝎 一兩

右下三味為細末入膏和圓菜豆大三歲兒三圓五歲兒三圓薄荷湯送下日二服無時

五靈脂圓治如前

五靈脂 去砂石 白附子 生 天南星 生

乾蝎 生 蟬殼 去上生各一兩

右為細末用醋二盞先以藥末一兩同熬成膏入



餘藥和圓菜豆大未滿月兒以乳汁化下一圓二  
歲下二圓大者以意加之金銀薄荷湯化下服畢  
鼻上汗出是效無時

蜣殼膏治如前

右以蜣蛄一個去頭翅足入麝香輕粉各黃米許  
同研極細以新水少許就之用蜣殼灌之立效  
必救丹治如前

赤足蜈蚣 一條去頭足 蝎稍 七個 生犀尖 錯末一錢

天南 染坯 半錢 朱砂 半錢研水飛 麝香 一字

右為細末煎豬脂油丸黍米大每服三五圓用大  
金散下無時

大金散

辰砂 水飛五錢 真鐵粉 一錢 輕粉 一錢 金箔 一大片

右為細末分作九服如遇患者將一服分二處每  
一半用童子小便并酒共半盞煎三四沸放冷調  
藥一半送下必救丹如行五里許再一服約半日  
後便下驚痰惡積便安如已經取轉虛者即用井  
花水調大金散下必救丹須認是慢驚者方可與  
服立見其效氣雖絕心頭溫者灌下藥即醒

薰陸香圓治虛風慢驚發搐癱瘓安神魂定心氣

血竭 半兩細研 乳香 一分別研

右研細於火上炙鎔為圓如乾即入少水和如酸



棗核大每服一圓薄荷酒化下兼治婦人產後血  
暈不省人事無時

如神散治如前焦大官方

蜈蚣 一條全者酒炙黃 蝎 十四個全者微炒 辰砂 一錢水飛

右為細末百日兒一字荊芥湯調下漸大以意加  
之無時

天雄膏治如前

赤頭蜈蚣 一條日曬乾却用好酒半盞滴潤火 細辛 去苗一錢

輕粉 半錢 雄黃 半錢水飛 天雄 一錢慢火煨存性研

白附子 一錢切焙 朱砂 半錢研水飛 白朮 一錢焙

蔚金 一錢 半一夏 一錢洗淨生薑汁浸一宿又洗切焙乾

右為細末入腦麝各少許煉蜜和圓鷄頭子大薄  
荷湯化下一圓無時

塗顛法治陰癩慢驚

右以天南星洗十遍為細末用生薑自然汁煮乾  
調塗顛頂上

妙聖散治慢驚久不差兩手瘈瘲抽掣手不定

赤足蜈蚣 一條芎汁浸一日焙乾 草烏頭 小大十四個薄荷

生薑自然汁浸一伏時焙乾同為末 麝香 一錢研 龍腦 半錢

右拌勻每用半字以小箆筒吹入兒兩鼻孔中候  
兩手定時方可兼服別藥

天麻鈎藤湯治因吐利脾胃虛而生風變慢驚



天麻 鈎藤 三分 天麻 蟬殼 七分 防風 去芦并叉枝切

人參 去芦 麻黃 去根節 殭蚕 去絲帶炒黃

蝎尾 去毒炒各半兩 甘草 炙 芫花 各一分 麝香 一錢 研

右同為細末每用二錢水一盞煎至六分量大小

與服如冷多面青唇白四肢冷入附子末半錢無

時

喝起散治因吐瀉生風變慢驚或作慢脾風

半夏 一兩湯洗七次為末 生薑 四兩研取汁和半夏末捏作餅如稀

入少麵 朱砂 水飛 滑石 白礬 生各一分 沒石子 三個

右為末每服一字煎冬瓜湯調下如服醒便止

後服無時

生銀散治慢驚乍靜乍動手足痠澀時發時止

生銀末 半錢細研 蛇黃 三分煨醋淬七次 黑鉛 一錢水磨

天南星 二錢炮烈 磁石 一錢煨醋淬十次 鐵華粉 二錢

朱砂 一錢水飛 麝香 一錢

右為細末每服一字煎犀角屑湯調下如見沉困

者用薄荷乳汁調下汗出為効

治陰癇者多用性溫熱之藥有至癇証已退未退之

間却生熱証或反為急驚者甚多凡治病必當先

問病者之家所患幾日因何得之曾服何藥如此

詳審若服熱藥太過可用解毒藥治之無不効者

豆卷散治陰癇慢驚服溫熱藥太多而却生熱証反



為急驚

大豆卷黃水浸黑豆生芽是也曬乾時用 貫眾

板藍根 甘草 炙各一兩

右同為細末每服半錢或二錢白水煎放冷服甚者用藥三錢漿水入油數滴煎之又治吐虫無時

龍腦散治如前

大黃蒸過 半夏 湯泡濾之或切用薑汁浸一日焙乾炒用

甘草炙 金星石 火煨 銀星石 火煨 寒水石 火煨

禹餘糧 用火煨過方可用 不灰木 火煨 青蛤粉 即青

右等分為末入龍腦一字再研新水調下一字或半錢量大小加減此舊方也錢乙入甘松兩枝霍

香末一錢金牙石一分却減大黃一半服之無時

慢脾風附

銀白散治慢脾驚風危困者

天南星末生薑自然汁和劑捻作餅子炙黃白

附子末薄荷自然汁和劑捻作餅子炙乾

右同為細末每服半錢或一錢煎冬瓜子湯調下

羌活膏治慢驚及脾風及身体冷四肢硬危急將不

救者

羌活 去芦 獨活 去芦并土 人參 去芦 茯苓 去皮

防風 去芦并枝 桂 去麋皮先為 乾蝎 一錢酒浸 水銀 半錢

硫黃 半錢與水銀同研如泥後入 麝香 一字研



右先研硫黃次入麝香水銀研至無星極細又入諸藥末拌勻煉蜜和膏圓皂子大薄荷湯化下保生治胃虛吐瀉生風羗活天麻防風各半兩人參茯苓蝎桂各一分朱砂水銀硫黃各一分服之無時

大天南星散治吐瀉或服轉藥過度脾虛生風為慢驚或作脾風危急之候

右以天南星一枚重八九錢至一兩者先搥一地坑深三寸許用炭火五斤燒通赤去火入好酒半盞在內然後入天南星却用炭火三兩條蓋却坑子候天南星微烈取出剉碎再炒令勻熟不可稍生放冷為細末每服一字或半錢濃煎生薑防風湯調下無時又方治如前

梓州厚朴

去麤皮生薑製一兩細剉半夏

一錢湯洗七次生薑汁浸半日控乾用

右用米泔三升同浸一百刻周一伏時以水盡為度如至百刻水未盡加少火熬乾去厚朴只用半夏為細末每服半字或一字薄荷湯化下無時辰砂膏治陰癇搐掣昏困傳為脾風

右以大附子一枚重六七錢上微炮去皮臍於頂頭剉一竅子入粉霜礪砂各半錢却用取下附子末填滿於火上燒存性次用天南星半兩炮烈蝎



稍一分羗活去芦一分朱砂半兩研同為細末煉  
蜜和圓鷄頭子大每服一九麝香薄荷湯入酒三  
兩滴化服無時

丙丁散 丙日作麴丁日製藥

天南星 烏蛇肉 酒浸去骨各三錢 天麻

麻黃 去根節各半兩 大附子 一枚事半兩上者炮烈去皮臍

全蝎 一錢半 白附子 三錢半 白殭蚕 去絲骨四錢炒

右為末以水一升浸三日濾去其滓用寒食麵一  
袋和勻踏作麴楮葉卷七日取出以紙袋盛吊起  
十四日可用遇小兒吐瀉精神昏困多睡不乳四  
支逆冷欲發慢驚者以麴一兩為末入腦子一字

每服半錢或一錢溫水調下若已發慢驚者此五  
歲俱虛皆受其病心主血病則血亂肺主氣病則  
氣并肝主筋病則抽掣脾主困病則昏困腎主寒  
病則身冷故病者血亂氣并四支抽掣吐瀉昏困  
唇口色白身體冰冷神情忪悸面青喉響哭如鴉  
聲將上件已成藥更入朱砂末一錢半法拌勻服  
依上法若慢驚吐利傳為脾風者用麴末一兩朱  
砂末一錢半拌勻煉蜜和丸鷄頭大名丙丁膏溫  
水化下又別以麴末一兩朱砂末雄黃末各抄一  
錢琥珀末甘草末各抄二錢拌勻煉蜜圓鷄頭大  
名太乙丹治小兒百病此方陳易簡家藏服之無



時

聞孝忠云小兒吐瀉脾胃虛而生風以為慢驚或傳成脾風大便不聚至虛損危憊者當速生胃氣宜與理中丸并研金液丹作末煎生薑米飲調灌之多服乃効服至二三兩無害候胃氣生手足漸煖陰退四肢猶然痠癢即減金液丹一二分却用青州白圓子一二分同研如上法與服以意詳之漸減金液丹加白圓子兼用異攻散此乃溫中正氣治虛吐瀉藥方且吐瀉明菟活膏溫白圓鈎藤飲子之類方並依此治之仍頓與粥食雖至危殆往往死中得生十有七八子於岳太尉處得一方稱自王運使所傳治小兒急

慢驚風吐瀉不止危不可治者名為安胃圓與上相似大同而小異

好青州白圓子三十粒 好金液丹 三十粒

全蝎 一枚去刺 麝香 少許

右同研為細末以糯米飯和丸黍米大每服三二十丸煎蘿蔔糯米湯下無時

麝香牛黃丸治小兒急慢驚風慢脾風

牛黃 一錢研 麝香 一錢研 蝎稍 一錢生 乳香 一錢研

沒藥 一錢研 蜈蚣 一條酥炙 花蛇肉 去骨一錢酒浸一宿

天南星 二錢半炮 草烏 二錢半炮去皮 天麻 二錢半剉用

防風 去苗并枝二錢半 雄黃 半錢研水飛 朱砂 八錢研



右為細末酒糊和劑如皂子大一歲至三歲兒每服一圓研細煎金銀薄荷湯調下七歲至十歲服二丸至三丸煎人參湯調下慢驚風細研三九灌下大有神效無時

麝香餅子治小兒吐瀉之後脾虛生風目睛斜視背脊強硬手足痠癢乃治心肺中風昏塞不省此方與前方相犯而小異

川烏炮去皮臍一分 天南星炮一分 白花蛇酒浸一宿去皮骨取肉焙乾用一分

蝎稍一分 蜈蚣一條去頭尾已上先為細末 朱砂半分研水飛

麝香一分研 乳香半分研 鐵粉半分研 牛黃半分研

右為末同勻細酒糊圓如鷄頭大捏作餅子每服

一二餅煎人參薄荷湯化下

聖脾散治慢脾風

香附子炒去毛二分 小黑豆一分炒 甘草半分

右為細末每服半錢飯飲調下無時

急慢驚通用治小兒急慢驚風聲已不出危殆命在須臾者男左女右屈中指在手心橫紋當中點炷及與乳頭上同時下灸壯如甚者不過三壯聲回即止此灸法王運使傳妙

天麻膏治小兒急慢驚風及慢脾風搐搦痲瘖昏塞牙噤一切惡候及吐瀉等疾

全蝎一分 牛黃一分研 白附子四分 天麻二分



雄黃四錢研水飛 訶子去核 白朮二錢 藿香葉四錢

白薑蕊仁三錢 縮砂仁三錢 白殭蚕去絲骨四錢

右為細末煉蜜丸如鷄頭大每服一九煎薄荷湯

化下甚者兩丸泄瀉者煎冬瓜子湯下嘔吐者煎

丁香湯化下並不拘時候更量大小臨時加減亦

看病之輕重用藥則無失矣

牛黃丸治急慢驚發歇不止

牛黃研 天竺黃研 犀角屑 胡黃連各半兩

芎藭 人參去芦 白茯苓 丁香 鉤藤

龍腦研各一分 麝香一錢研 腦子半錢研

右為細末煉蜜和菜豆大每服三丸粥飲下無時

黑神圓治急慢驚

膩粉一錢半 香墨一錢 白麵一錢 盧會一錢

牛黃別研 青黛 使君子去壳麵裹煨熟用各半錢 腦子一字

麝香一字

右為末糊圓桐子大每服半圓薄荷水下要利動

服一圓楚州小醫王鑑因此藥致富甚保惜之未

嘗傳人予得之乃誦驚丸小異耳治驚極效垂死

一服立瘥無時

青金丹治如前

雄黃末一錢 朱砂末一錢 鐵粉二錢 乳香末一錢

南星末一錢 蝎微炒二錢 輕粉 青黛各三錢



麝香一字 花頭蛇一箇酒浸一宿取肉炒

右為末以梨汁和劑分三等圓之黍米麻子菜豆  
大量大小與之一圓薄荷水送下煎金銀湯亦得  
無梨汁用薄荷汁無時

雄朱丹治如前

雄黃水飛 朱砂水飛等分

右為細末用白項曲蟻一條放藥中令纏濕以竹  
篦子刮下丸如芥子大每服三丸金銀薄荷湯下  
其曲蟻却須放了不可壞死服之無時

軟金丹又名聖力丹治小兒急慢驚風三癇瘈瘲頭  
項動搖日睛上視或牽斜偏搐背脊強直或反折

如弓口禁牙緊或屈指如數或溫壯連綿或服涼  
藥過多內生虛風或因傷寒變搐發渴或因吐痢  
主風為癇一切諸証乳食不進昏冒不省凡此急  
候服之皆愈但不喘急者此藥必効如已喘急者  
更須審詳虛實若涎實者同水銀圓化此藥服之  
二藥引化驚涎則潮搐立止虛者但只服此藥即  
便放下眼來如小兒涎熱風熱有諸驚証服之便  
瘥更無變動又治大人卒中風病涎潮不省此藥  
神聖救人不可具載

牛黃別研丹砂研水飛雄黃研水飛生犀鎔末細研

天麻煨僵蚕去絲翳炒半夏湯洗七次為麴蟬殼去土湯洗



南木香 使君子 取肉各一分 肉荳蔻 麩果

香墨 各一分半 天南星 炮烈 白附子 炮烈各二錢

膩粉 一錢 水銀 三錢半 用黑鉛三錢半 准七錢 結炒子 用半兩

白花蛇 烏蛇 二蛇 取項後 麝香 內各一兩 酒浸一宿 去皮骨 曝

乾不見火 螺青 一兩二錢 麝香 一錢 研 龍腦 半錢 研

附子 一枚 炮烈 去皮 臍虛者 用之 蜈蚣 中者二條 生用 頂赤足佳

全蝎 二十個 天漿虫 二十五個 去壳 大槓榔 二枚

丁香 一錢半 蟾酥 三皂子大 金箔 銀箔 各十五片

右為末 逐件 旋入 研之 細勻 用不 坤皂 莢一 錠 刮

去皮 絃以 好酒 半升 浸一 宿 按揉 取汁 去滓 入石

腦油 三錢 銀器內 文武火 煎十 數沸 放冷 別煉 蜜

少許 投內 和諸 藥得 所大 者圓 棗大 小者 皂子 大

別以 金銀 箔為 衣每 服一 圓金 銀薄 荷湯 化下 涎

實者 用水 銀圓 化下 小兒 量大小 與大 有神 驗水

銀圓 具譚 氏方 也服 之無 時

奪命 大青 金丹 治小 兒諸 驚此 東京 西尾 內出 菴馬

兒栗 家方

天竺 黃 一斤 末 墨 二錠 不計 大小 亦不 得使 盡

麝香 一錢 研 朱砂 一錢 研 水飛 水銀 半兩 錫 半兩

右於 鈹內 先鎔 錫化 入水 銀結 砂子 乳鉢 內研 開

次入 諸藥 末研 勻細 方用 濃墨 水和 九彈 子大 以

灰頓 盆內 鋪紙 於紙 上布 藥泥 乾十 歲兒 一粒 分



三四服七八歲兒作四服五六歲兒分六服三四  
歲兒分十服一二歲兒分十六服新生百晬兒分  
三十服並微利常服者須隔旬日服一服小兒風  
熱發癇潮搐涎盛嗽喘並臨時加減如吐瀉後生  
風服亦不妨此藥性溫宜少服並用湯化下如煎  
湯不可犯鐵器入口如聖服之無時

治急慢驚發搐

乳香半兩研 甘遂一錢

右同研細每服半錢乳香小便調下妙

又方治如前

蝎稍二十個 朱砂一皂子許研水飛 麝香一豌豆許

右同為末每服一字或半錢用赤小豆拌勻薄荷  
溫酒調下無時

定命丹治急慢驚風吊眼撮口搐搦不定壯熱困重

蟾酥一錢乾者酒浸一宿 乾蝎七枚全者 南星末一分

白附子末半錢 青黛半錢研別為衣 麝香少許

右勻細末粟米粥和丸菘豆大別以青黛為衣每  
服一九荆芥薄荷湯下服藥後困睡無疑凡病者  
先化半丸點鼻中得噴者必效如新生兒臍粉二  
捻生油一滴新水半茶脚化一九服之取下胎中  
所受病更無諸驚邪熱服之無時

麝香餅子治如前



烏頭蛇 一對酒浸一宿取出 蝎稍 半兩 白附子 一兩炮

天南星 一兩炮 白殭蚕 一兩炒去絲梢 乳香 半兩研

朱砂 一兩研水飛 天漿 四十九個去壳 麝香 二錢研

金箔 十片

右為細末煉蜜和九桐子大捻扁作餅子用金銀  
荆芥湯化服大小加減無時此便是除風膏若以  
麥飯和丸便是麥飯 膏此黑孩兒栢防禦真方  
也

如聖散治如前

白附子 二錢 殭蚕 炒去絲梢 二錢 全蝎 二錢中者

用麵炒去足留身尾帶 人參 去芦 二錢 草烏 半兩炮去皮

牙硝 二錢 丁香 一錢不見火 膩粉 半錢 天竺黃 一錢

天南星 米泔浸一宿焙乾稱二錢 龍齒 二錢 蔚金 一錢

腦 麝 各少許

右為細末十歲下兒半錢上者一錢冷薄荷湯調  
下如兒驚結大小便不通連進二三服無時

南星湯治如前

右以大天南星一枚重四錢者 細研為末用

漿水一碗冬瓜子四十九粒同煎至一盞去滓取

青汁半盞分三服病愈以四君子湯補之一方每

用南星末一錢上下以水半盞漿水半盞或薑汁

亦得入生薑三片冬瓜子數粒煎至半盞以下分



二服尤治慢驚服之無時

南朱膏治如前

右以大天南星二兩為末用臘月黃牛膽取汁和之却入膽中如膽汁少量可用之窰乾為細末入朱砂一錢麝香少許煎甘草膏子和劑丸鷄頭子大每一歲半丸熟水化下量大小加減如一膽盛南星末不盡用二膽亦得服之無時

朱金湯治如前

右以代赭石火煨醋淬十次為細末水飛過日中照乾每服半錢或一錢煎真金湯調下量大小與之連進三服兒脚脛上有赤斑點者即是邪氣

已出兒當安也若無赤斑點者出不可治也服無時

如聖青金丹治忽發身熱吐逆變急慢驚潮搐

龍腦一錢研 麝香研 膩粉研各分 白麵三錢

香墨一錢半為末 青黛二錢研 使君子去壳二個麪裹

慢火畏熟為末 金箔 銀箔各五片研

右細勻末滴水丸鷄頭子大慢驚用冷薄荷湯化下一丸須臾便睡覺立愈更服三兩服急驚化下半丸下涎一合以來神効無時

滾涎膏治慢驚風潮搐無時

龍腦一字 朱砂一錢半末 礪砂末三錢 馬牙硝五錢



鈎霜 二錢 水銀 二錢結砂子 牛黃 一字 麝香 一字  
右同研自然成膏丸揚梅核大梨汁化下一丸量  
大小加減無時

牛黃丸治急慢驚發搐痰壅及吐瀉生風

牛黃 一錢 牛膽製天南星末 一錢 滴乳香末 一

錢分研 人參 去芦一分 天麻 一分去苗 防風 去芦去義

枝一分 白殭蚕 炒去絲箔一分 茯神 去心山木一分

朱砂 三錢研水飛 麝香 一分 全蝎 一分 腦子 少許

右為細末煉蜜和丸鷄頭實大荆芥薄荷湯化下  
一丸相宜加減無時

能搐丸治急慢驚發搐牙關噤身反強

水銀 二錢 黑鈎 二錢同水銀結砂子 天麻 半兩去苗

花蛇肉 酒浸炙取肉半兩 人參 去芦半兩 天南星 半兩

白附子 半兩 乾蝎 半兩去毒 朱砂 半兩水飛 青黛 一分

腦子 麝香 各少許

右為細末石腦油研和丸小麻子大每服一丸薄

荷湯化下無時

虎睛丸治急慢驚搐涎熱多睡及諸惡証

虎睛 一對碎切酒浸一宿焙乾 通明天麻 半兩 白茯神

去心內木半兩 白附子 一分 天漿子 五十個炒黃去壳

使君子 一百個去壳切碎焙乾 朱砂 五錢水飛 全蝎 半兩

牛黃 半兩 天南星 一兩二錢慢火炮烈土尔墨 半兩燒過



青黛半兩 麝香 輕粉 各一分

右同勻細末酒糊丸桐子大每服一九薄荷湯化下有急病加作二三丸極妙無時

烏蛇散治急慢驚搐如弓危困難治療之者此方主之

烏蛇肉 酒浸去皮骨三錢 赤足蜈蚣 二條去頭足醋浸炙焦

全蝎 二錢去毒 天麻 半兩 白茯苓 半兩 白附子 一分

黑附子 半兩炮烈去皮臍 麝香 少許

右為細末每服半錢用舊斷井索煎湯調下其效如神如急用無斷井索煎荊芥湯代之無時

治胎癇發搐真假方

虎睛丸治自生瘳內至百日以來壯熱驚搐凡發在百日內者雖發搐真假相似然發頻者多是外風傷之也

虎睛 一對酒浸微炙取二個 牛黃 一分別研 朱砂 一分研水飛

雄黃 一分研水飛 麝香 一分研

右為細末煉蜜和丸菜豆大以乳汁研化三五丸烏金膏治胎癇發搐頻併

烏蛇 一條水浸去皮骨只取肉別用酒浸一倍焙 秦紙 一張燒灰

蟬殼 去土半兩 全蝎 半兩上先為末 朱砂 半兩研飛

麝香 半錢研 腦子 半錢研 金箔 三十片細研

右拌勻煉蜜和膏丸皂子大當每服一粒煎人參



薄荷湯化開服無時

牛黃丸治自生至百日以來五臟多熱而發驚搐

牛黃一分令研 龍腦一分 黃芩末半兩 朱砂一錢  
研飛

乾蝎一分 犀角末半兩

石同研如粉粟米飯和丸麻子大溫水化一九與

服無時

羌活膏治胎癇發搐昏困不省

羌活去芦一兩 烏蛇肉一兩酒浸一宿焙乾 獨活去芦一兩

天麻半兩 全蝎半兩去毒 白僵蚕去絲背半兩炒

人參去芦半兩

右為細末煉蜜和膏每服一皂子大麝香荆芥湯

化下無時

銀朱丹治如前

乾蝎一分微炒 天漿子一分微炒去壳 朱砂五錢研飛

牛黃一錢研 露蜂房一分微炒為細末 麝香半錢

水銀一分用黑錫一分結砂子

右同拌勻麵糊和丸黍米大每服三五丸金銀薄

荷湯化下兒小乳汁化下亦得無時

甲灰圓治生下便喜多驚

右剪父母兩手爪甲燒灰研細麵糊和丸麻子大

井花水化下一丸無時

生摩膏治新生兒肌膚幼弱為風邪所中身軀壯熱



手足驚掣

甘草

防風

去芦并叉枝各兩

白朮

二十銖

雷元 二錢半

桔梗

去芦二十銖

右咬咀以猪肪脂一斤煎油入藥微火上煎之良久視稠濁得所膏成乃去滓丸如彈子大每服一粒炙手摩兒百遍寒者更熱者更寒小兒無病早起常以摩顛上及手足心甚辟風寒之邪

朱砂散治一臘至日內兒發驚轉為慢驚

朱砂

一分研水飛

牛黃

一分別研

麝香 一錢

乾蝎

十四個微炒

天漿子

十四個麩炒色黃去壳取虫用

右各研細一處再研極細散每服半錢乳汁調抹

兒口中以乳汁送下無時

保生散治新生兒胎驚此在母胎中時因有所驚乃

感至生下百日之內心神不寧睡卧不醒壯熱

躁煩啼哭無時面青赤腰直身冷搐縮口撮或糞

青黃水

胡黃連

半兩水煮

硼砂 研

鐵粉

輕粉 各一錢

右為末每服一字薄荷乳汁調下服藥後有青赤物下是効如無隔日服琥珀丸服之無時

琥珀丸

乾全蝎

二枚

琥珀

八研

鐵粉

炒各二錢

輕粉

南星

炮

白附子

炮各三錢

龍腦

半錢研



右為末酒糊和丸黍米大薄荷溫湯下一二丸如服此藥眼反牙噤如魚口者乃死候也服之無時治嬰小初生未滿月驚著似中風欲死者此方主之以好朱砂用新汲水磨濃汁塗五心上神驗

治嬰小新生中風

以麝香一分驢前背交脊上會中毛拔取手拈大許一把以乳汁和令得所於銅器中慢火炒令焦燥與麝香同研如粉每服一字乳汁調下日三服

小兒衛生總微論方卷第五



